

目錄

桂枝湯	一	當歸建中湯	六
桂枝加桂湯	二	當歸四逆湯	七
桂枝加芍藥湯	二	黃耆桂枝五物湯	七
桂枝加葛根湯	二	黃耆桂枝苦酒湯	七
桂枝加黃耆湯	二	桂枝甘草湯	八
桂枝加附子湯	二	桂枝甘草龍骨牡蠣湯	八
桂枝附子湯	三	人參湯	八
桂枝甘草附子湯	三	桂枝人參湯	九
烏頭桂枝湯	三	茯苓杏仁甘草湯	九
桂薑草棗黃辛附湯	四	茯苓乾薑白朮甘草湯	九
桂枝加龍骨牡蠣湯	四	茯苓桂枝白朮甘草湯	一〇
桂枝去芍藥加蜀漆龍骨牡蠣	四	茯苓桂枝甘草大棗湯	一〇
救逆湯	四	茯苓桂枝五味甘草湯	一〇
桂枝加芍藥生薑人參湯	五	茯苓澤瀉湯	一一
桂枝麻黃各半湯	五	澤瀉湯	一一
小建中湯	五	猪苓湯	一二
黃耆建中湯	六	葛根湯	一二

葛根黃連黃芩湯	二	厚朴大黃湯	三二
麻黃湯	三	厚朴三物湯	三二
麻黃附子細辛湯	三	厚朴七物湯	三二
麻黃附子甘草湯	四	小承氣湯	三三
麻黃杏仁甘草石膏湯	四	大承氣湯	三四
麻黃杏仁薏苡甘草湯	四	瀉心湯	三五
牡蠣湯	四	附子瀉心湯	三五
小青龍湯	五	大黃附子湯	三六
大青龍湯	五	大黃甘遂湯	三六
越婢湯	六	抵當湯	三六
小柴胡湯	六	橘皮大黃朴硝湯	三七
柴胡加芒硝湯	八	大黃硝石湯	三七
柴胡桂枝湯	八	大黃牡丹皮湯	三七
柴胡桂枝乾薑湯	八	大黃甘草湯	三八
大柴胡湯	九	調胃承氣湯	三八
柴胡加龍骨牡蠣湯	一〇	桃仁承氣湯	三九
白虎湯	一〇	桔梗湯	三九
白虎加桂枝湯	一一	排膿湯	三〇
白虎加人參湯	一一	芍藥甘草湯	三〇

芍藥甘草附子湯	三〇	茵陳蒿湯	三六
甘遂半夏湯	三一	梔子蘤皮湯	三六
甘麥大棗湯	三一	梔子厚朴湯	三七
甘草粉蜜湯	三一	大陷胸湯	三七
甘草乾薑湯	三一	小陷胸湯	三八
四逆湯	三二	栝蘤薤白白酒湯	三八
通脈四逆湯	三二	大半夏湯	三八
通脈四逆加豬膽汁湯	三二	小半夏湯	三九
四逆加人參湯	三三	生薑半夏湯	三九
茯苓四逆湯	三三	小半夏加茯苓湯	三九
乾薑附子湯	三三	半夏厚朴湯	四〇
附子粳米湯	三三	半夏瀉心湯	四〇
大烏頭煎	三四	甘草瀉心湯	四〇
烏頭湯	三四	生薑瀉心湯	四一
真武湯	三四	吳茱萸湯	四一
附子湯	三五	厚朴生薑甘草半夏人參湯	四二
梔子豉湯	三五	黃連湯	四二
枳實梔子豉湯	三六	乾薑黃連黃芩人參湯	四二
梔子大黃豉湯	三六	大建中湯	四二

黃連阿膠湯……………四三 升麻鼈甲湯……………四九

黃芩湯……………四三 射乾麻黃湯……………四九

白頭翁湯……………四三 厚朴麻黃湯……………四九

木防己湯……………四四 葶藶湯……………五〇

防己茯苓湯……………四四 炙甘草湯……………五〇

枳朮湯……………四四 十棗湯……………五〇

桂枝枳實生薑湯……………四四 走馬湯……………五一

枳實薤白桂枝湯……………四四 附方……………

橘皮枳實生薑湯……………四五 茯苓飲……………五二

橘皮竹茹湯……………四五 延年茯苓飲……………五二

橘皮湯……………四五 溫膽湯……………五二

竹葉石膏湯……………四五 六物黃芩湯……………五三

芎歸膠艾湯……………四六 黃連解毒湯……………五三

旋覆花代赭石湯……………四七 五蒸湯……………五四

赤石脂禹餘糧湯……………四七 溫脾湯……………五四

桃花湯……………四八 檳榔湯……………五四

酸棗仁湯……………四八 唐侍中檳榔湯……………五五

黃土湯……………四八 烏頭檳榔湯……………五五

桂枝芍藥知母湯……………四八 黑豆湯……………五五

犀角吳茱萸湯	五五	麻子仁丸	六二
續命湯	五六	八味丸	六二
小續命湯	五六	栝蒌瞿麥丸	六三
三物黃芩湯	五七	赤丸	六三
三黃湯	五七	乾薑人參半夏丸	六三
木茱湯	五七	桂枝茯苓丸	六四
三和散	五七	大黃蟄蟲丸	六四
涼膈散	五八	己椒藶黃丸	六五
升麻散	五八	備急圓	六五
犀角地黃湯	五九	礬石丸	六六
逍遙散	五九	歸母苦參丸	六六
淳莽湯	五九	紫圓	六六
透膿湯	六〇	硝石大圓	六七
搜風解毒湯	六〇	平水丸	六八
赤小豆湯	六〇	滾痰丸	六八
琥珀湯	六一	控涎丹	六八
赤小豆煎	六一	左經丸	六九
抵當丸	六二	十棗丸	六九
大陷胸丸	六二	五苓散	七〇

茵陳五苓散	七〇
豬苓散	七〇
牡蠣澤瀉散	七一
葵子茯苓散	七一
土瓜根散	七一
瓜蒂散	七一
薤白附子敗醬散	七三
天雄散	七三
排膿散	七三
當歸芍藥散	七三
蜀漆散	七四
桔梗白散	七四
四逆散	七四
消礬散	七四
蛇床子散	七五

奇正方

阿波賀古壽公山甫著

桂枝湯。病人臟無他病時發熱自汗出而不愈者。此衛氣不和也。○病常自汗出者。此爲榮氣和榮氣和者外不諧以衛氣不共榮氣和諧故

爾右二章桂枝湯常候但不須數服溫覆求發汗者也

桂枝三兩

芍藥三兩

甘草二兩

生薑三兩

大棗十二枚

右五味咬咀以水七升煮取三升去滓適寒溫服一升此服法之正也服已須臾

飲熱稀粥一升餘以助藥力溫覆令一時計遍身絳熱微似有汗者益

佳不可令如水流瀉病必不除若一服汗出病差停後服不必盡劑若

不汗更服依前法又不汗後服小促役其間半日許令三服盡若病重

者一日一夜服周時觀之服一劑盡病證猶在者更作服若不汗出者

乃服至二三劑禁生冷粘滑肉麵五辛酒酪臭惡等物此法用桂枝湯於中風者乃法之奇也

太陽中風千金方作中風其脈「陽」浮而「陰」弱「陽」浮者熱自發陰弱者汗自出

啗啗惡寒「淅淅惡風翕翕發熱鼻鳴乾嘔者」○太陽病頭痛發熱汗

出惡風者桂枝湯本和解衛氣藥此乃常也若夫活用之於中風則助藥力溫覆求發汗此乃法之奇也又運用之於裏證則和解拘攣腹痛等證乃如桂枝加芍藥湯同加大黃湯等之

類所謂別正而其始出於桂枝湯之正治終入其殊途異域者是也

桂枝加桂湯

於桂枝湯方加桂枝二兩

燒鍼令其汗鍼處被寒核起而赤者欲作奔豚氣從少腹上衝心者

桂枝加芍藥湯

本太陽病醫反下之因爾腹滿時痛者屬太陰也桂枝加芍藥湯主之

大實痛者桂枝加大黃湯主之

因誤下之變邪氣歸於腹故腹拘急而時痛因加倍芍藥以緩之若夫大實痛者更加大黃以瀉之

桂枝加葛根湯

於桂枝湯方加葛根四兩

太陽病項背強几几反汗出惡風者

中風桂枝湯證而項背強几几者兼葛根湯證故斷曰反汗出以明桂枝湯之證也

桂枝加黃耆湯

於桂枝湯方加黃耆二兩

黃汗之病兩脛自冷「假令發熱此屬歷節」食已汗出又身常暮盜汗

出者「此勞氣也若汗出已反發熱者久久其身必甲錯發熱不止者

必生惡瘡若身重汗出已輒輕者久久必身潤即胸中痛」又從腰以

上必汗出下無汗腰髀弛痛如有物在皮中狀劇者不能食身疼重煩

躁小便不利此為黃汗○發明

此條分作三段則顯易輕重其證自分明矣

桂枝加附子湯

於桂枝湯方加附子一枚

太陽病發汗遂漏不止其人惡風小便難四支微急難以屈伸者

說異于傷寒論

傳系

桂枝附子湯 一傷寒八九日「風濕相搏。身體疼痛。不能自轉側。不嘔不渴。脈浮虛而澹者。」若其人大便鞭。小便不利者。去桂加朮湯主之。

桂枝四兩

附子三枚

生薑三兩

甘草二兩

大棗十二枚

右五味以水六升煮取二升去滓分溫三服。○千金方云治婦人產後風虛汗出不止小便難四肢微急難以屈伸者。方中有芍藥無大棗○三因方朮附

湯治冒雨濕着肌膚與胃氣搏或腰間汗出因浴得之。即於此方加朮各二兩○試

效。最毒骨蒸倍枯口眼喎斜寒疝腹中冷瘕者

桂枝甘草附子湯 風濕相搏骨節疼痛。煩躁不得屈伸。近之則疼劇。汗出短氣。小便不利。惡風不欲去衣。或身微腫者。

甘草二兩

附子二枚

朮二兩

桂枝四兩

右四味以水六升煮取三升去滓溫服一升日三服。○方意。桂枝附子湯證能自轉側桂枝甘草附子湯證曰骨節疼痛不得屈伸其曰身體曰不能自轉側較之骨節疼痛不得屈伸者則其證重故彼用附子三枚此用附子二枚

烏頭桂枝湯 寒疝腹中逆冷手足不仁若身疼痛灸刺諸藥不能治抵

當用此方

烏頭五枚

右一味以蜜二斤煎減半去滓以桂枝湯五合解之得一升後初服二合不知即服三合又不知復加至五合其知者如醉狀得吐者爲中病

○試效

治一切逆冷不仁癱瘓等證

○方意

蓋烏頭之爲能運動寒固之毒和之以桂枝湯者欲令烏頭之氣順達患處也類聚方集覽曰烏頭之得蜜猶能之得毒感應奏效

如神者妄誕也夫古人以蜜煎烏頭者欲緩其剛悍之氣以令不奔逸而已

桂薑草棗黃辛附湯「氣分」心下堅大如盤邊如旋杯水飲所作

桂枝

三兩

生薑

三兩

甘草

二兩

大棗

十二枚

麻黃

二兩

細辛

二兩

附子

一枚

右七味以水七升煮麻黃去上沫內諸藥煮取二升分溫三服當汗出

如蟲行皮中即愈○方意

附子細辛運寒飲餘藥散之若證而惡寒劇者毒深矣宜加倍附子細辛麻黃以厚運散之力

桂枝加龍骨牡蠣湯

於桂枝湯方加龍骨牡蠣各二兩

夫失精家少腹弦急陰頭寒目眩髮落脈極虛孔遲「爲清穀亡血」失

精脈得諸孔動微緊男子失精女子夢交

此條分作二段證自分明

○小品云夢交失

精諸脈浮動心悸小腹急陰處寒目眩痛頭髮落○深師云療虛勞喜

夢與女邪交接精自出○醫通云虛勞夢泄惡寒發熱○方意

蓋此方桂枝加芍藥

湯變方也故證曰少腹弦急曰心悸少腹急夫失精家必驚動而氣逆加體滑牡蠣所以鎮其悸動也

桂枝去芍藥加蜀漆龍骨牡蠣救逆湯

桂枝三兩

甘草二兩

生薑三兩

牡蠣五兩

蜀漆三兩

龍骨四兩

大棗十二枚

右爲末以水一斗二升先煮蜀漆減二升內諸藥煮取三升去滓溫服一升○傷寒脈浮醫以火迫劫之亡陽必驚狂起臥不安者驚悸最劇故起臥不安

○火邪者火邪之爲證必驚悸不安動即龍骨牡蠣所主治

桂枝加芍藥生薑人參湯於桂枝湯方加芍藥生薑各一兩人參二兩

發汗後身疼痛脈沈遲者○方意因發汗過多之變氣血虛而身疼痛脈亦沈遲桂枝加芍藥湯以和其證得入參生薑鼓舞氣以活絡

之力蓋此方桂枝湯之變方特主汗後之變證爾他病則不與焉

桂枝麻黃各半湯 太陽病得之八九日如瘧狀發熱惡寒熱多寒少其

人不嘔清便欲自可一日二三度發一脈微者爲欲愈也脈微而惡寒

者此陰陽俱虛不可更發汗更下更吐也面色反有熱色者未欲解

也一以其不能得少汗出身必痒痒當作痛字○方意比其初當行桂枝湯之證而輕慢不藥歷八九日邪毒愈固肉分是

以桂枝湯力不及麻黃湯則通矣故更取二方之半以作之

小建中湯 虛勞裏急悸衄腹中痛夢失精四肢酸痛手足煩熱咽乾口

燥○男子黃小便不利當有裏急證○婦人腹痛

桂枝三兩

甘草三兩

芍藥六兩

大棗十二枚

生薑三兩

膠飴一升

右六味以水七升煮取三升去滓內膠飴更上微火消解溫服一升日
三服○傷寒「陽」脈、陰脈「弦」法當「腹中急痛者」○傷寒二三日
心中悸而煩者右二章仲景氏活用小建中湯於傷寒之妙處設具子系傳○易簡方云大治婦人血疼男子
心腹疝痛○準繩云治痢不分赤白新久但腹中大痛者神效

黃耆建中湯

於小建中湯方加黃耆一兩半

虛勞裏急諸不足小建中湯證而自汗盜汗出者○易簡方云男子婦人諸虛不足少腹急
痛脇肋腹脹臍下虛滿胸中煩悸面色萎黃唇口乾燥少力身重胸滿
短氣腰背強痛骨肉酸疼行動喘乏不能飲食或因勞傷過度或因病
後不復

當歸建中湯

於小建中湯方加當歸四兩

治婦人產後虛羸不足腹中刺痛不止吸吸少氣苦少腹中急摩痛引
腰不能食飲○易簡方云婦人一切血氣虛損四肢怠惰及產後勞傷
虛羸不足腹中疝痛吸吸少氣少腹虛急痛引腰背自汗出不思飲食
者若產後半月每日三服令人丁壯又曰產後血虛虛羸不足腹中刺
痛少腹急或感寒發熱又曰崩傷內衄不止加地黃六錢阿膠二錢○
方意建中湯發化氣血滋補之毒故治產後諸虛仲景氏活用之於傷寒虛氣血
滋補之證黃耆建中湯當歸建中湯證皆曰虛損不足者蓋指氣血虛弱百脈
虛弱而自汗盜汗者

當歸四逆湯 手足厥寒。脈細欲絕者。當歸四逆湯主之。若其人內有久寒者。加吳茱萸。生薑湯主之。

當歸_{三兩}

芍藥_{三兩}

桂枝_{三兩}

細辛_{二兩}

通草_{二兩}

甘草_{二兩}

大棗_{二十個}

右七味以水八升煮取三升去滓溫服一升日三服○丹溪心法云治

霍亂多寒身冷脈絕

即於當歸四逆加吳茱萸湯方去大棗加附子名通脈四逆湯

○辨誤

俗醫以此方載在傷寒論厥陰篇以爲治厥陰云云證者無也

何則其證單曰手足厥寒而不曰厥陰病者蓋此方本在雜病論中而撰者誤以爲治厥陰云云證者無也陰陽者乎抑此方當歸建中湯之類方也夫當歸建中湯解血氣滋滯之證今更加木通細辛者備利寒飲而其厥寒者示血氣沈滯凝結而且厥且寒而已非特有傷寒變證厥陰危劇之證也故此方主治上衝下冷手足厥寒或不逆或腹脹泄瀉等證

黃著桂枝五物湯

「血痺之病從何得之師曰夫尊榮人骨弱肌膚盛

重因疲勞汗出臥不時動搖加被微風遂得之但以脈自微濇在寸口關上小緊宜鍼引陽氣令脈和緊去則愈」血痺「陰陽俱微寸口關上微尺中小緊外證」身體不仁如風痺狀

黃著_{三兩}

芍藥_{三兩}

桂枝_{三兩}

生薑_{六兩}

大棗_{十二枚}

右五味以水六升煮取二升溫服七合日三服

黃著桂枝苦酒湯 黃汗之爲病身體腫發熱汗出而渴狀如風水汗沾衣色正黃如藥汁脈自沈

黃耆五兩

芍藥三兩

桂枝三兩

右三味以苦酒一升水七升相和煮取三升溫服一升當心煩服至六七日乃解若心煩不止者以苦酒阻故也

桂枝甘草湯

桂枝四兩

甘草二兩

右二味以水三升煮取一升去滓頓服○發汗過多其人又手自冒心

悸欲得按者皆主之者誤也

桂枝甘草龍骨牡蠣湯

桂枝二兩

甘草二兩

龍骨二兩

牡蠣二兩

右爲末悉以龍骨牡蠣二味爲末耳以水五升煮取二升半去滓溫服八合日三服○

人參湯

作丸名理中丸

霍亂頭痛發熱身疼痛熱多欲飲水者五苓散主之

寒多不用水者理中丸主之○大病差後喜睡久不了了者○胸痺心中痞留氣結在胸胸下逆搶心枳實薤白桂枝湯主之人參湯亦主之

人參

甘草

朮

乾薑各三兩

右四味以水八升煮取三升去滓溫服一升日三服○易簡方云治爲寒氣濕氣所中者理中加附子湯主之○明醫指掌云祛寒止嘔逆泄

利心腹冷痛

即附子理中湯○方意此方理中焦不化故治諸病後虛寒鬱滯粘液凝心胸喜噦久不止者

桂枝人參湯

於理中湯方加桂枝四兩

太陽病外證未除而數下之遂協熱而利利下不止心下痞硬「表裏

不解者」

說具于系傳

○辨誤

後世以人參爲補藥元氣之聖藥者安擬爾世醫用廣東人參以爲補藥者越之甚也蘭山小野氏曰廣東古昔南粵之地未聞產人參明一

燒志亦不記其地產人參或曰往歲廣東呂大珪者來時陽時官吏鉅及廣東人參大珪答以不知矣蓋所爲本草綱目三七條李時珍曰味微甘而苦頗似人參之味又名金不換其多能不換于金玉之類稱也所謂廣東人參蓋此物也此物能止瀉散血產婦金瘡吐血下血用之多効故廣東人巧製其形變命之名以欺愚人於萬里之外耳又或曰和名抄云人參和名久萬能伊此以其味之苦烈勢熱熱云爾其能特治心下痞硬之毒乃有以和產直根竹節等參人參充之者然源順延喜年間人其時人參未來我邦何以徵其果爲何物夫仲景氏所用韓參也代以偽參余不知其始於何世何人耳聞近世韓參產乏而唐人貢求以故來少而價騰不便貧民我邦諸國續韓參之體累年荷獲品佳佳而有效唐山賈舶交易載遺宜以充用焉

扶苓杏仁甘草湯 胸痺心下氣塞短氣扶苓杏仁甘草湯主之橘枳薑

湯亦主之

扶苓

三兩 杏仁

五十個 甘草

一兩

右三味以水一斗煮取五升溫服一升日三服不差更服○試效

胸滿咯血或痰

喘悸動短氣者以此方合小陷胸湯分量各半

扶苓乾薑白朮甘草湯 腎着之病其人身重腰中冷如坐水中形如水

狀反不渴。小便自利。飲食如故。一病屬下焦身勞汗出衣裏冷濕久久得之一腰以下冷痛。腰重如帶五千錢。此條爲二段證治自分明

甘草

朮各二兩

乾薑

茯苓各四兩

右四味以水五升煮取三升分溫三服。○婦人良方云治妊娠腰脚腫

者方中有杏仁

茯苓桂枝白朮甘草湯 心下有痰飲胸脇支滿。○夫短氣有微飲當從

小便去之。苓桂朮甘草湯主之。腎氣丸亦主之。

茯苓四兩

桂枝三兩

朮二兩

甘草二兩

右四味以水六升煮取三升分溫三服。○傷寒若吐若下後心下逆滿氣上衝胸起則頭眩脈沈緊者。發汗則動經。身爲振振搖者。○辨誤此方載在傷寒論而方今病傷寒者不見一有如此證非可怪乎蓋因世醫之術之拙也夫仲景氏之治傷寒也專主用吐下之方苟能盡吐下之術大邪既除而後見此證者多矣故曰若吐若下後世醫乃畏吐下之藥如虎狼徒虛名無實之方劑不省仲景之深意以故凡傷寒以吐下之術可愈者皆以誤之宜乎今之病傷寒者殊不見有此證也

茯苓桂枝甘草大棗湯

茯苓半斤

甘草三兩

大棗十五枚

桂枝四兩

右四味以水一斗先煮茯苓減二升內諸藥取三升去滓溫服一升日三服。○發汗後其人臍下悸者欲作奔豚

扶苓桂枝五味甘草湯

扶苓_{四兩}

桂枝_{四兩}

甘草_{三兩}

五味子_{半升}

右四味以水八升煮取三升去滓分溫三服○欬逆倚息不得臥小青龍湯主之青龍湯下已多唾口燥「寸」脈沈「尺」脈微手足厥逆氣從少腹上衝胸咽手足痺其面翕然如醉狀因復下流陰股小便難時復冒者與苓桂五味甘草湯治其氣衝○衝氣即低而反更欬胸滿者用桂苓五味甘草湯去桂加細辛乾薑以治欬滿○欬滿即止而更復渴衝氣復發者「以細辛乾薑爲熱藥故也服之當遂渴而渴反止者爲支飲也支飲者法」當冒冒者嘔嘔者復內半夏「以去其水」○「水去」嘔止其人形腫者加杏仁_{半斤}○若面色如醉此胃熱上薰其面加大黃_{三兩}以利之

扶苓澤瀉湯

胃反吐而渴欲飲水者

扶苓_{半斤}

澤瀉_{四兩}

甘草_{二兩}

桂枝_{二兩}

朮_{二兩}

生薑_{四兩}

右六味以水一斗煮取三升溫服一升日三服○

霍亂吐利煩躁渴欲飲水

○

方意此方於苓桂朮甘草湯方加澤瀉生薑其分量雖倍異其主治蓋飲也而此證重於苓桂朮甘草湯一等故證曰吐而渴蓋吐者飲毒逆于上也渴者已吐盡而復招新水也治唯在通利蓄水爾

澤瀉湯

心下有支飲其人苦冒眩

澤瀉五兩 白朮二兩

右二味以水二升煮取一升分溫再服○方意苦甘瀉者飲毒上行之所致瀉瀉白朮散之

猪苓湯 發熱渴欲飲水小便不利者雖七八箇月面目浮腫小便少者俗謂之子胎猪苓湯主之

猪苓 茯苓 阿膠 滑石 澤瀉各等分

右五味以水四升先煮四味取二升去滓內下阿膠烱消溫服七合日三服○少陰病下利六七日欬而嘔渴心煩不得眠者○試效尿血膿淋加海金沙

大黃甘草佳

葛根湯 太陽中風項背強几几無汗惡風○太陽與陽明合病者必自

下利葛根湯主之不下利但嘔者葛根加半夏湯主之右二章說具于系傳

葛根四兩 桂枝二兩 麻黃三兩 芍藥二兩

甘草二兩 生薑三兩 大棗十二枚

右七味以水七升先煮麻黃葛根減二升去上沫內諸藥煮取三升去滓溫服一升覆取微似汗不須飲粥餘如桂枝法將息及禁忌○

辨誤東漢氏嘗於葛根湯方加大黃治一切肌表之毒毒裡重當同以爲外發內微解之上手段者誤矣東漢之加大黃也其分量僅僅要在使大黃附葛根發散之職以解毒於肌表耳

葛根黃連黃芩湯

葛根半斤 黃連三兩 黃芩二兩 甘草二兩

右四味以水八升先煮葛根減二升內諸藥煮取二升去滓分溫再服

○太陽病桂枝證醫反下之利遂不止「脈促者表未解也」喘而汗出

者說具于系傳○發明世醫以此方為治協熱利者妄也又以為治項背強急而心煩心下痞者誤也蓋葛根之為能化陰急之毒故配之桂麻則治項背強急凡者配之芍藥則治熱毒內陷而胸膈強急之證曰胸中之強急何以微之曰喘也汗也是胸膈強急之邪迫于上蓋于外之邪所謂病

應見于大表者是也夫葛花之解酒毒亦在治強急之毒而已蓋酒氣之醞人身心也氣血奔騰而亦顯

荷強則沈滯而為身強強急之證察葛花能解酒毒而為身強強急之能可知矣

麻黃湯 太陽病頭痛發熱身疼腰痛骨節疼痛惡風無汗而喘者○「

太陽與陽明合病」喘而胸滿者○「陽明病」脈浮無汗而喘者發汗

則愈。右三章說具于系傳

麻黃三兩

桂枝二兩

甘草一兩

杏仁七十個

右四味以水九升先煮麻黃減二升去上沫內諸藥煮取二升半去滓

溫服八合覆取微似汗不須飲粥餘如桂枝法將息○濕家身煩疼可

與麻黃加朮湯。於麻黃湯方加朮朮四兩○三因方云治寒濕身疼煩無汗惡寒發

熱者○方意千金方云麻黃湯內之藥蓋麻黃湯之為能發散肉分之邪則當覆取汗是乃正也若夫過散肉中蘊滯之水漏則麻黃加朮湯之所之乃不須覆取汗是乃奇也

麻黃附子細辛湯 少陰病始得之反發熱脈沈者說具于系傳

麻黃二兩

細辛二兩

附子一枚

右三味以水一斗先煮麻黃減二升去上沫內諸藥煮取三升去滓溫

服一升日三服

麻黃附子甘草湯

於麻黃附子細辛湯方去細辛加甘草二兩

少陰病得之二三日麻黃附子甘草湯微發汗「以二三日無裏證故

發汗也」

說具于系傳

麻黃杏仁甘草石膏湯

麻黃

四兩

杏仁

五十個

石膏

半斤

甘草

二兩

右四味以水七升先煮麻黃減二升去上沫內諸藥煮取二升去滓溫

服一升

諸壯熱欲逆喘促小兒熱渴喘愈加蘇子桑白皮佳

○發汗後「不可更行桂枝湯」汗出而喘無

大熱者

說具于系傳

麻黃杏仁薏苡甘草湯

病者一身悉痛發熱日晡所劇者名風濕「此

病傷於汗出當風或久取冷所致也」

麻黃

半兩

甘草

一兩

薏苡

半斤

杏仁

十個

右四味以水五升煮取二升分溫再服○外臺云濕家始得病特可與

薏苡麻黃湯

即此方也

牡蠣湯 治牡瘰

牡蠣

四兩

麻黃

四兩

甘草

二兩

蜀漆

三兩

右四味以水八升先煮蜀漆麻黃去上沫內諸藥煮取二升溫服若吐

則勿更服

凡瘧疾瘧瘧山蜀漆之類得吐則多瘧毒故斷故止服若夫吐而後仍疾不去者可更數服

小青龍湯 傷寒表不解心下水氣乾嘔發熱而欬或渴或利或嘔或小便不利少腹滿或喘者○傷寒心下水氣欬而微喘發熱不渴一服湯已渴者此寒去欲解也

說具于系傳

麻黃三兩

芍藥三兩

乾薑三兩

甘草三兩

桂枝三兩

半夏半升

細辛三兩

五味子半升

右八味以水一斗先煮麻黃減二升去上沫內諸藥煮取三升去滓溫服一升○病盜飲者當發其汗○欬逆倚息不得臥○肺脹欬而上氣煩躁而喘脈浮小青龍加石膏湯主之○

此方發乾嘔傷寒外邪內感者固有之水飲者是乃正也若夫治盜飲及欬逆上氣肺

服等證者乃奇也

大青龍湯 太陽中風脈浮緊發熱惡寒身疼痛不汗出而煩躁者○傷寒脈浮緩身不疼但重乍有輕時「無少陰證者」大青龍湯發之

右二章說具于

傳系

麻黃六兩

桂枝二兩

甘草二兩

杏仁四十個

生薑三兩

大棗十二枚

石膏大

說具于

右七味以水九升先煮麻黃去上沫內諸藥煮取三升去滓溫服一升
取微似汗○病益飲者當發其汗大青龍湯主之小青龍湯亦主之
面部四肢微腫
咳逆喘嗽等證

越婢湯 風水惡風一身悉浮腫不渴續自汗出無大熱者○裏水一身
面目黃腫其脈沈小便不利越婢加朮四兩湯主之○欬而上氣此爲肺
脹其人喘目如脫狀脈浮大者越婢加半夏湯主之

麻黃六兩

石膏半斤

生薑三兩

大棗十二枚

甘草二兩

右五味以水六升先煮麻黃去上沫內諸藥煮取三升分溫三服○千
金方云治風痺脚弱又云治妊娠腫滿喘息小便不利於本方內加附子一枚薑朮四兩

辨誤 世醫每值水腫之病輒用此方兼與他丸散峻下之藥適有得愈則謂功此方
或也越婢之爲能主治濕熱發越于一身而腫者耳何能悉治一切之腫滿

小柴胡湯

傷寒六七日中風往來寒熱胸脇苦滿默默不欲飲食心煩

喜嘔或胸中煩而不嘔或渴或腹中痛或胸下痞鞭或心下悸小便不
利或不渴身有微熱或欬者○太陽病十日已去「脈浮細而嗜臥者
外已解也」設胸滿胸痛者小柴胡湯主之○「血弱氣盡腰膝理開邪
氣因入與正氣相搏結於胸下正邪分爭」往來寒熱休作有時默默
不欲飲食或嘔者○傷寒四五日身熱惡風頸項強胸下滿手足溫而

渴者○傷寒五六日嘔而發熱者○陽明病發潮熱大便溏小便自可胸脇滿不去者○陽明病脇下鞭滿不大便而嘔舌上白胎者白胎者熱未實小柴

胡湯主之若黃胎熱已實則大小承氣湯主之

○本太陽病不解因轉入少陽胸下鞭滿乾嘔不能食

往來寒熱「尙未吐下脈沈緊者」

以上八章說具于系傳

柴胡半斤

黃芩三兩

人參三兩

半夏半升

生薑三兩

大棗十二枚

甘草三兩

右七味以水一斗二升煮取六升去滓再煎取三升溫服一升日三服

○「得病六七日脈遲浮弱惡風寒手足溫」醫二三下之不能食而胸

下滿面目及身黃頸項強小便難者與小柴胡湯○嘔而發熱者是飢指難病非

專爲傷寒而言○諸黃腹痛而嘔者○婦人在草褥自發露得風四肢苦煩熱頭

痛者○瘧病發渴者柴胡去半夏加栝蒌四兩湯主之○證治要訣云傷

寒胸脇俱痛頭痛耳聾口苦或渴或嘔大小便或利或不利往來寒熱

如瘧○蘇東坡云近歲此藥大行患傷寒不問陰陽表裏皆令服之此

甚誤也此藥傷寒論雖主數十證大要其間有五證最的當服之必愈

一者身熱心中逆或嘔吐者可服傷寒此證最多正當服小柴胡湯若

因渴飲水而嘔者不可服身體不溫熱者不可服仍當識此二者寒熱

往來者三者發潮熱可服四者心煩胸下滿或渴或不渴皆可服五者

傷寒已差後更發熱者可服此五證但有一證可服○辨誤論曰傷寒中風

一證便是不必悉具者如波翁之說也若夫以胸膈苦滿之一證當之者妄矣

柴胡加芒消湯於小柴胡湯方加芒消六兩

傷寒十三日不解胸脇滿而嘔日晡所發潮熱一已而微利此本柴胡

證下之不得利今反利者知醫以丸藥下之非其治也○潮熱者實也

先宜小柴胡湯以解外後以柴胡加芒消湯主之○世醫以爲加於大柴胡湯者誤也說具于系傳

柴胡桂枝湯 傷寒六七日發熱微惡寒肢節煩疼微嘔心下支結一外

證未去者○心腹卒中痛

柴胡四兩 人參一兩 黃芩一兩 甘草一兩 半夏二合

芍藥一兩 大棗六枚 桂枝一兩 生薑一兩

右九味以水七升煮取三升去滓溫服一升日三服○發汗多亡陽譫

語者不可下與柴胡加桂湯說具于系傳○外臺云治寒疝腹中痛○辨誤世

以此方爲兼解表裏之邪氣者妄也豈有同證同湯之藥乎一旦下咽入胃之後各自分賦于某經某臟之理乎不思之甚也說具于系傳

柴胡桂枝乾薑湯 瘧寒多微有熱或但寒不熱者東洞曰當有胸脇及渴證

柴胡半斤 黃芩三兩 桂枝三兩 乾薑三兩

牡蠣三兩

甘草二兩

栝蒌根四兩

右七味以水一斗二升煮取六升去滓再煎取三升溫服一升日三服
○傷寒五六日已發汗而復下之胸脇滿微結小便不利渴而不嘔但
頭汗出往來寒熱心煩者說其于系傳

大柴胡湯 傷寒十餘日熱結在裏復往來寒熱者○傷寒發熱汗出不
解心下痞鞭嘔吐而下利者當下之○按之心下滿痛者此爲實也

柴胡半斤

黃芩三兩

芍藥三兩

半夏半升

枳實四枚

甘草二兩

大棗十二枚

大黃二兩

生薑五兩

右九味以水一斗二升煮取六升去滓再煎取三升溫服一升日三服

方中悉脫甘草二兩四字論曰與大柴胡湯下之則愈而脫大黃二兩主藥且有脫落於甘草何怪也蓋傷寒論中柴胡劑皆有甘草其無之者唯此一耳耳不可不察焉

○太陽病一

過經一十餘日反二三下之後四五日柴胡證仍在者先與小柴胡湯
嘔不止心下急鬱鬱微煩者與大柴胡湯下之則愈○外臺云療傷寒
八九日不解心腹緊滿身體疼痛內外有煩熱嘔不安○救正論云治
傷寒目眩耳聾舌有黃胎煩渴索水絕食兩日少動呼胸腹脇肋皆痛
大便下赤水小便赤澀脈沈緩變未縮者○和劑云治外感風寒內傷
飲食鬱結在裏身熱煩躁語言譫妄大便不通繞臍刺痛○丹溪心法

附錄云治傷寒十餘日邪氣結在裏寒熱往來大便秘澀腹滿脹痛語
言譫妄心中痞鞭飲食不下口生白胎不大便五六日繞臍刺痛時發
煩躁及汗後如瘧日晡發熱或發熱汗出脈有力者可服○試效病疾壯
熱腹
絞痛或乾嘔或吐逆者又急應散聚二
便不利上搶心腹脹滿害食者皆主之

柴胡加龍骨牡蠣湯

柴胡四兩

半夏二合

大棗六枚

生薑

人參

龍骨

鉉丹

桂枝

茯苓各一兩半

大黃二兩

牡蠣半兩

右十一味以水八升煮取四升內大黃切如博碁子更煮一二沸去滓
溫服一升○傷寒八九日下之胸滿煩驚小便不利譫語一身悉重不
可轉側者說具于
系傳○傷寒類方云此方能下肝胆之驚疾以之療癰瘤必
效○經驗集錄云小兒連日壯熱實滯不去寒熱往來驚悸○方意此方
麻黃湯毒結胸心胸面逆于上者本軍鉉丹傳云治吐逆
反胃驚癰疾又云治無悸狂走由之求方意思過半矣

白虎湯

「三陽合病」腹滿身重難以轉側口不仁而面垢譫語遺尿「

發汗則譫語下之則額上生汗」手足逆冷若自汗出者○傷寒脈滑

而厥者右二章說
具于系傳

知母六兩

石膏一斤

甘草二兩

粳米六合

老西味以水一斗煮米熟湯成去滓溫服一升日三服○宣明方云治傷風自汗桂枝湯表未解半入於裏中暑自汗脈虛弱傷寒自汗脈滑數而實表裏俱實三陽合病腹滿身重口燥面垢譫語發黃厥逆自汗和解兩感解頭痛止自汗雜病時疫煩渴發斑兼治小兒痘瘡疹伏熱

白虎加桂枝湯

於白虎湯方加桂枝三兩

溫瘧者其脈如平身無寒但熱骨節煩疼時嘔白虎加桂湯主之○聖劑總錄云治溫瘧骨節疼痛時嘔朝發暮解暮發朝解白虎加桂湯主之○明醫指掌云姪婦傷寒身自汗出煩渴唇焦○證治要訣云若初得病頭痛心熱外別有陽證至五日方發厥其人雖厥或畏熱或飲水或揚手擲足煩躁不得眠大便秘小便赤多昏憤者此熱厥也宜白虎湯熱厥雖手足冷而指甲發不若寒厥並指甲俱冷此辨陰陽要法也○活人書云其人傷濕因而中暑名濕溫兩

經遂冷胸滿頭目疼重妄言多汗陽脈濡而弱陰脈小而急反煩渴引

飲者切不可汗之汗之必死蒼朮白虎湯主之○發明世醫以梗米為益氣和胃止煩止渴者誤也白

虎證曰煩渴曰大煩渴曰身熱而渴曰渴欲飲水數升此伏熱之所為而石膏清解之方此時與冷粥汁亦必飲數盞至何賴一七之梗米益之和之止之之為賴按石膏性降沈寒之釜中為殷殷之聲不與水親故梗米粘石氣以混成藥汁○試效白虎湯證而心煩渴亂或潮熱此古人製方之微意也
在陳腐書驗理上歷者加黃連

白虎加人參湯

於白虎湯方加人參三兩

傷寒無大熱。口燥渴。心煩背微惡寒者。○傷寒脈浮發熱無汗其表不解者。不可與白虎湯。渴欲飲水。口乾舌燥者。○服桂枝湯大汗出後大煩渴不解。脈洪大者。白虎加入參湯主之。○傷寒若吐若下後七八日不解。熱結在裏。表裏俱熱。時時惡風。舌上乾燥而渴。欲飲水數升者。東

右

曰千金外臺同作白虎湯主之而曰傷寒論方今從之此說是也

○大陽中熱者。渴是也。汗出惡寒。身熱而渴。

章說具

○徐同知曰。治伏暑發渴嘔吐身熱脈虛自汗。○辨誤

世醫見白虎加人參湯證曰汗

後吐後下後乃以爲加入參補益虛弱者安也。又曰治白虎傷陰而心下痞者亦誤也。蓋人參之爲能鼓滯溫氣。今於白虎湯方加入參者。即欲使人參佐白虎湯以鼓滯溫氣。助消散伏熱之力也。學者思諸

厚朴大黃湯 支飲胸滿者

厚朴尺一

大黃六兩

枳實四枚

右三味以水五升煮取二升分溫再服

厚朴三物湯 痛而閉者

厚朴八兩

大黃四兩

枳實五枚

右三味以水一斗二升先煮二味取五升內大黃煮取三升溫服一升

○醫通云。痛而閉塞無雷鳴嘔逆之證者。當下之。

厚朴七物湯 病腹滿發熱十日脈浮而數飲食如故

厚朴半斤

大黃三兩

枳實五枚

甘草三兩

大棗^{十二}

桂枝^二

生薑^五

右七味以水一斗煮取四升溫服八合日三服○千金云治腹滿氣脹

○試效

腹滿不大便而嘔者病發熱服散或手足怠惰或腹中刺痛者加芍藥

○辨誤

世醫以爲發熱服散者桂枝去芍藥湯之所主而腹滿者厚朴三物湯之所治故合此

二方以製方者安也蓋曰發熱十日者示病之未深也夫腹滿日淺者未至大滿而精氣仍能抗之故必發熱也若夫腹滿數十日滿脹稍大者精氣衰弱而不能抗於毒是以不復發熱飲食不如故也故舉發熱之日數以見病之淺曰發病僅十日示其腹滿將漸大之機也又曰飲食如故示未至妨食道也

小承氣湯

大黃^四

厚朴^二

枳實^三

已上三味以水四升煮取一升二合去滓分溫二服○陽明病脈遲雖汗出不惡寒者其身必重短氣腹滿而喘一有潮熱者此外欲解可攻裏也一手足濇然汗出者此大便已鞭也大承氣湯主之一若汗多微發熱惡寒者外未解也一其熱不潮未可與承氣湯若大便不通者可與小承氣湯微和胃氣勿令大泄下○傷寒不大便六七日頭痛有熱者與承氣湯其小便清者知不在裏仍在表也當發汗○陽明病其人汗出多以津液外出胃中燥大便必鞭鞭則譫語小承氣湯主之○陽明病譫語發潮熱脈滑而疾者○太陽病若吐若下若發汗微煩小便數大便因鞭者○下利譫語者有燥屎也○大便不通噦數譫語

右二章不問何

病皆主之

○發明

傷寒論金匱要略中有同方面三名者焉厚朴三物湯厚朴大黃湯小承氣湯是也但其分量或厚朴減於枳實或枳實減於厚朴要之皆以大黃爲主若方中缺大黃則不成方或缺枳實或缺厚朴皆無損於治病苟無損於治病則無論二物之增減而可也蓋按本是厚朴三物湯仲景氏嘗活用之於傷寒之時更命承氣之名而已夫承氣者順也傷寒熱結實於腸胃大黃厚朴枳實并瀉滌之力承順其結實之氣以導之於屎道其劇者加芒硝以強藥力是仲景氏所以革三物之名更命承氣之名也學者欲知承氣湯之正宜就三方之條而求焉

大承氣湯

病腹中滿痛者○下利三部脈皆平按之心下鞭者急下之

○下利瘥後至其年月日時復發者以病不盡故也當下之

大黃

四兩 厚朴

半斤 枳實

五枚 芒硝

三合

右四味以水一斗先煮二物取五升去滓內大黃煮取二升去滓內芒硝更上火微一兩沸分溫再服得下餘勿服

得下則勿服者是傷寒之治法而候下後之變者也至若治它病以達爲度

○傷寒若吐若下後不解不大便五六日上至十餘日日晡所發潮熱不惡寒獨語如見鬼狀若劇者發則不知人循衣摸床湯而不安微喘直視譫語者○陽明病譫語有潮熱反不能食者有燥屎也若能食者但鞭爾○汗出譫語者有燥屎須下之○「二陽併病」太陽證罷但發潮熱手足熱熱汗出大便難而譫語者○病人煩熱汗出則解又如瘧狀日晡所發熱脈實者○病人小便不利大便乍難乍易時有微熱喘冒不能臥者有燥屎也○傷寒五六日目中不了了睛不和大便難身微熱者急下之○陽明病發熱汗出者急下之○少陰病自利清水色

純青心下必痛口乾燥者急下之○大下後六七日不大便煩不解腹

滿痛者

右十二章說其于系傳

○瘕之爲病胸滿口禁臥不着席脚躡急必齧齒○

產后七八日少腹堅痛此惡露不盡不大便煩躁發熱譫語者

少腹堅痛惡露不盡

者宜桃仁承氣湯以逐血氣而今有煩躁者是胃家實也與大承氣湯以瀉其實則惡露隨而盡也

○必讀云治傷寒八九日以來口不

能言目不能視體不能動四肢俱冷六脈皆無以手按腹兩手護之皮

皴作楚跌陽脈大而有力乃腹有燥屎也遂下之得燥屎六七枚口能

言體能動○醫通云病人熱甚脈未數實欲登高棄衣罵詈不避親疎

蓋陽盛則四肢實四肢實則能登高也大承氣湯主之又云胃中有燥

屎大熱錯譫喘滿神昏不得眠

胃中只汎指腹內而言耳

○辨誤

世醫以爲此方特下結糞之藥者誤也夫仲景氏之論燥屎及

大便艱難也蓋有故矣故於下利之證亦用大承氣湯是古方之妙境不可以不知焉若其說具于系傳

瀉心湯

心氣不足

一作不定

吐血衄血○心下痞按之濡其脈關上浮者

大黃二兩

黃連

黃芩

各一兩

右三味以麻沸湯二升漬之須臾絞去滓分溫再服○婦人吐涎沫醫

反下之心下即痞○得效方云治心受積熱譫語發狂踰牆上屋○醫

方考云心火胸膈實熱面赤狂走者○試效

卒倒發眩不省人事或痰涎氣急小兒發驚抽搐痲癢者皆主之

附子瀉心湯

於瀉心湯煎汁內和附子煎汁分溫再服

心下痞而復惡寒者

續具于

○辨誤

世醫曰：心下痞，治心下痞。今此證其初因汗下之變，亡陽脫津，故加附子補虛復津者，誤也。附子能運動臣陽

之毒，加之傷心傷者，為佐傷心之力，謂凡人心下虛結痞塞，則外見惡寒振栗厥逆等之證。此證曰惡寒者，乃心下痞塞之劇證也。夫傷心傷本，傷心下痞塞其劇者，不可不添運動之力，故加附子。

大黃附子湯

胸下偏痛發熱其脈弦緊

大黃

三兩

附子

三枚

細辛

二兩

右三味以水五升煮取二升分溫三服○方意

傷痛者是乃寒飲固滯胸下之證，附子細辛運送之大黃受而通之。

大黃甘遂湯

婦人少腹滿如敦狀小便微難而不渴一經後者

經當作生是也

為水與血俱結在血室也

大黃

四兩

甘遂

二兩

阿膠

二兩

右三味以水三升煮取一升頓服之○

甘遂經火煮則耗性宜未用也。先煮大黃如法去滓更上火內膠滓消下火內甘遂未沸之頓

服

抵當湯

經水不利者○千金方云治月經不調或一月再來兩月三月

一來或月前或月後閉塞不通

水蛭

三十個

蟅蟲

三十個

大黃

五兩

桃仁

二十個

右四味為末以水五升煮取三升去滓溫服○發明

此煎法恐誤者之誤也。凡藥火煮者不必末也。今此

乾蟲微物既未且煮豈得不損性乎？且以大黃桃仁同末之者亦不審其故。當作右四味二味為末以水五升先煮大黃桃仁取三升內水蛭蟅蟲末更上火燉一二沸去滓頓服一升。

○太陽

病六七日表證仍在脈微而沈反不結胸其人發狂者以熱在下焦少

腹當鞭滿小便自利者下血乃愈一所以然者以太陽隨經瘀熱在裏故也○太病病身黃脈沈結少腹鞭小便不利者爲無血也小便自利其人如狂者血證諦也○陽明病其人喜忘者必有畜血一所以然者本有久瘀血故令喜忘一屎雖鞭大便反易其色必黑○病人無表裏證發熱七八日雖脈浮數者可下之假令已下脈數不解合熱則消穀善饑至六七日不大便者有瘀血說具于系傳

橘皮大黃朴硝湯

餵食之在心胸間不化吐復不出速除之諸實食有事于心胸間者

橘皮雨一

大黃雨二

朴硝雨二

右三味以水一大升煮至小升頓服

大黃硝石湯

黃疸腹滿小便不利而赤自汗出

大黃

黃蘗

硝石各四雨

梔子十五枚

右四味以水六升煮取三升去滓內硝石煮取一升頓服○試效黃疸身熱心煩

不大便者

大黃牡丹皮湯

腸癰者少腹腫痞按之卽痛如淋小便自調時時發熱

自汗出復惡寒其脈遲緊者膿未成也可下之當有血脈洪數者膿已成不可下也

大黃_{四兩}

桃仁_{五十個}

瓜子_{半斤}

芒硝_{三合}

牡丹皮_{二兩}

右五味以水六升煮取一升去滓內芒硝再煎沸頓服之有膿當下無膿當下血○千金方云腸癰之病少腹痞堅或在膀胱左右其色或白堅大如掌發熱小便欲調時自汗出其脈遲緊者未成膿可下之○產育云產后血暈悶絕狼狽若口禁則拗開灌之

大黃甘草湯

食已卽吐者

大黃_{四兩}

甘草_{一兩}

右二味以水三升煮取一升分溫再服○肘後云治胃反不受食食輒

吐出○試效

惡心嗜睡大便不通食積心下不快熱者

調胃承氣湯

大便不通胃氣不和者○醫通云常有熱而痛此爲積熱

大黃_{四兩}

甘草_{二兩}

芒硝_{半斤}

右三味以水三升煮取一升去滓內芒硝更上火微煮令沸少少溫服○發汗後惡寒者虛故也不惡寒但熱者實也當和胃氣○太陽病「過經」二十餘日心下溫溫欲吐而胸中痛大便反澀腹微滿鬱鬱微煩先此時自極吐下者與調胃承氣湯若不爾者不可與○陽明病不吐不下心煩者○太陽病三日發汗不解蒸蒸發熱者○傷寒吐後腹

脹滿者

右五章說具于系傳

桃仁承氣湯 療一切宿血及損傷瘀血在腹內不問新久並婦人月經不通產後惡血

傷寒論中舉桃仁承氣湯之奇而略其正今假千金方以示正

桂枝

三兩

桃仁

五十個

大黃

四兩

芒硝

二兩

甘草

二兩

右五味以水七升煮取二升半去滓內芒硝更上火微沸下火溫服五合日三服○太陽病不解熱結膀胱其人如狂血自下下者愈

下血是解熱之兆故

曰愈乃隨證處方

但少腹急結者乃可攻之

是活用桃仁承氣湯於傷寒血熱瘀滯之證

○壽世云治吐血覺

胸中氣塞上吐紫血○寧生傳云迫血上行爲衄數升餘面赤脈躁疾神恍恍如癡○傳信尤易方云治血淋○救正云治一女適因行經浣衣受寒發熱喘渴少腹脹痛脈寸關浮數兩尺沈結者此蓄血傷寒也○儒門事親云凡婦人月事沈滯數月不行肌肉漸減內經曰小腸熱已滿移熱瘕爲沈沈者月事沈滯不行也故曰伏瘕○醫通云心下滿而微鞭不可按其人善忘小便反利而不渴者是結血也又云當汗失汗譫語善饑嫩水身黃腹滿如狂者屬瘀血也○明醫指掌云治蓄血脹滿大實大痛手不可近者

桔梗湯 效而胸滿振寒脈數咽乾不渴時出濁唾腥臭久久吐膿如米

粥。

桔梗_雨一 甘草_雨二

右二味以水三升煮取一升去滓分溫服五合日再服○少陰病二三日咽痛者可與甘草湯不差者與桔梗湯說具于系傳

排膿湯 主治同前

甘草_雨二 桔梗_雨三 生薑_雨二 大棗_{十二枚}

右四味以水三升煮取一升溫服五合日再服○此方與桔梗湯主治大同小異此方於桔梗湯方加薑棗且桔梗分量二倍於桔梗湯蓋桔梗湯證而導一等深者宜用此方

芍藥甘草湯

芍藥_雨四 甘草_雨四

右二味以水三升煮取一升半去滓分溫再服○傷寒脈浮自汗出小便數心煩微惡寒腳攣急說具于系傳

芍藥甘草附子湯

芍藥_雨三 甘草_雨三 附子_{一枚}

已上三味以水五升煮取一升五合去滓分溫服○發汗病不解反惡寒者虛故也說具于系傳

甘遂半夏湯 病者脈伏其人欲自利利反快雖利心下續堅滿一此爲

留飲欲去故也

甘遂

三枚

半夏

十二枚

芍藥

五枚

甘草

指大二枚

右四味以水四升煮取半升去滓以蜜半升和藥汁煎取八合頓服之

○發明

甘遂完煮損性無効當作以蜜半升和藥汁煎取八合內甘遂末攪而頓服之

甘麥大棗湯

婦人臟躁喜悲傷欲哭象如神靈所作數欠伸

東洞曰急迫而狂者

甘草

三兩

小麥

一升

大棗

十枚

右三味以水六升煮取三升分溫三服

甘草粉蜜湯

蚘蟲爲病令人吐涎心痛發作有時毒藥不止

甘草

二兩

粉

一兩

蜜

四兩

右三味以水三升先煮甘草取二升去滓內粉蜜攪令和煎如薄粥溫

服一升○方意

此方以緩急爲主所謂苦急以甘緩之者是也其吐涎心痛者是急迫之所爲世醫單爲蛔蟲之所爲者妄也

○辨誤

方中粉諸說紛紜或曰胡粉或

曰輕粉皆妄疑也粉米粉也而加此粉也非爲治疾苦但使病人便服用爾蓋蜜甘草濃甜煎汁人不堪飲

也

甘草乾薑湯

肺痿吐喘沫而不效者其人不渴必遺尿小便數

甘草

四兩

乾薑

二兩

右以咀以水三升煮取五合去滓分溫再服○傷寒誤治後手足厥咽中乾燥吐逆者說具于系傳○試效虛氣急迫而厥逆者

四逆湯 下利腹脹滿身體疼痛者○吐利汗出發熱惡寒四肢拘急手足厥冷者○既吐且利大便復利而大汗出下利清穀內寒外熱脈微欲絕者○下利清穀裏寒外熱汗出而厥者右四逆湯之正證也

甘草二兩 乾薑一兩 附子一枚

右三味咀咀以水三升煮取一升二合去滓分溫再服○傷寒醫下之續得下利清穀不止身疼痛者○病發熱頭痛脈反沈若不差身體疼痛○脈浮而遲表熱裏寒下利清穀者○大汗出熱不去內拘急四肢厥又下利厥逆而惡寒者

通脈四逆湯於四逆湯方加倍乾薑一兩半

下利清穀裏寒外熱汗出而厥者○少陰病下利清穀裏寒外熱手足厥冷脈微欲絕身反不惡寒其人面赤色或腹痛或乾嘔或咽痛或利止脈不出者

通脈四逆加豬膽汁湯於通脈四逆湯方加豬膽汁半合

拘急其病極矣者此方皆主之

○諸病四逆傷證而病一等深者主之或霍亂吐下已斷汗出云云證又通脈四逆湯證而四肢

四逆加入參湯

惡寒脈微而復利「利止亡血也」

右七章說具于系傳

○辨誤俗書以四逆

為溫補虛之聖劑者矣矣蓋彼意以為甘草引乾薑附子辛熱大溫之藥入于脾以健其虛丹溪曰附子性走而不守無補益之効可以見其妄矣

扶苓四逆湯

此四逆湯之變方說具于系傳

扶苓六兩

人參兩一

甘草兩二

乾薑兩一

附子枚一

右五味以水五升煮取三升去滓溫服七合日三服○發汗若下之病仍不解煩躁者○千金方云霍亂轉筋肉冷汗出嘔哕者無扶苓名四逆湯○試效凡病人積氣虛脫手足逆冷心忪煩躁或下利者主之

乾薑附子湯

乾薑兩一

附子枚一

右二味以水三升煮取一升去滓頓服○下之後復發汗晝日煩躁不得眠夜而安靜不嘔不渴「無表證」脈沈微身無大熱者說具于系傳○易簡方云中寒口禁四肢強直失音不語或卒然暈倒口吐涎沫狀如暗風手足厥冷或復煩躁兼治中脘虛寒久積痰水心腹冷痛霍亂轉筋四肢厥逆

附子粳米湯

腹中寒氣雷鳴切痛胸脇逆滿嘔吐

附子枚一

半夏升半

甘草兩二

大棗枚十二

粳米升半

右五味以水八升煮米熟湯成去滓溫服一升日三服○外臺云主治寒疝氣心腹如刺繞臍腹中悉痛自汗出欲絕於本方加蜀椒又療肺虛勞損腹中寒雷鳴切痛胸脇逆滿氣喘於本方加白朮乾薑○千金云霍亂四逆吐多者○方意附子性走而不守能運動寒固之毒此證病在胸膈而逆滿故以粳米粘附子走運之氣種留胸膈間以治寒痛○試效此證而與此方數日甚不愈者加夏薑延胡索取驗甚多矣

大烏頭煎 寒疝繞臍痛若發則自汗出手足厥逆其脈沈弦者

烏頭大者五枚

右以水三升煮取一升去滓內蜜二升煎令水氣盡取二升○試效年久

腹痛或疝瘕欬痛諸藥無効者用此方運動其固毒時用吐下之劑以拔去其毒根

烏頭湯 病歷節不可屈伸疼痛○脚氣疼痛不可屈伸○寒疝腹中絞痛拘急不得轉側發作有時使人陰縮手足厥逆

麻黃 芍藥 黃耆各二兩 甘草三兩 烏頭五枚咬咀以蜜二升煎取一升即出烏頭

右五味咬咀四味以水三升煮取一升去滓內蜜煎中更煮之服七合

不知盡服之○試效四肢百節疼痛如虎咬者此名歷節風此方神驗又治腳氣一身悉痛或四肢痺者○方意烏頭芍藥運和其毒麻黃黃耆驅散之發

路玉曰烏頭以蜜煎取其性使之留連筋骨以利其屈伸善接蓋烏頭得蜜奔氣尤著故仲景氏之使用烏頭也必以蜜煎之令其剛悍之氣不奔逸是古人用藥妙處

真武湯 少陰病二三日不已至四五日腹痛小便不利四肢沈重疼痛

自下利者。其人或欬或小便便利。或下利或嘔者。

茯苓_{三兩}

芍藥_{三兩}

生薑_{三兩}

白朮_{二兩}

附子_{一枚}

右五味以水八升煮取三升去滓溫服七合日三服○太陽病發汗汗出不解其人仍發熱心下悸頭眩身瞤動振振欲擗地者○易簡方云此藥不惟陰證傷寒可服若虛勞之人增寒壯熱咳嗽下利者宜服之附子湯 少陰病得之二三日口中和其背惡寒者○少陰病身體痛手足寒骨節疼痛脈沈者說具于系傳

附子_{二枚}

茯苓_{三兩}

人參_{二兩}

芍藥_{三兩}

白朮_{四兩}

右五味以水八升煮取三升去滓溫服一升日三服○千金云治濕痺緩風身體疼痛如欲折肉如錐刺刀割方中有桂枝甘草又治寒濕腳氣疼痛不仁脈沈細者○易簡方云治風寒濕合痺骨節疼痛皮膚不仁肌肉重著四肢緩縱腰腳酸痛兼治疲極筋力氣虛倦怠偏體酸疼
梔子豉湯

梔子_{十四枚}

香豉_{四合}

右二味以水四升先煮梔子得二升半內豉煮取一升半去滓分爲二服溫進一服○發汗後虛煩不得眠若劇者必反覆顛倒心中懊憹○

發汗後若下之而煩熱胸中窒者○傷寒大下之後身熱不去心中結痛者○心中懊憹舌上胎者○陽明病下之其外有熱手足溫心中懊憹不能食但頭汗出者○下利後更煩按之心下濡者爲虛煩也○若少氣者梔子甘草豉湯主之於梔子豉湯方加甘草二兩○若嘔者梔子生薑豉湯主之

於梔子豉湯方加生薑五枚

枳實梔子豉湯

於梔子豉湯方加枳實三枚

大病差後勞復者○若有宿食者加大黃切如博碁子大五六枚

梔子大黃豉湯

即枳實梔子大黃湯也

酒黃疸心中懊憹或熱痛

以上三方梔子大黃其分量雖稍異要之亦只一途之方也

茵陳蒿湯 寒熱不食食即頭眩心胸不安久久發黃爲穀疸

茵陳蒿

六兩 梔子

十四枚 大黃

二兩

右三味以水一斗先煮茵陳減六升內二味煮取三升去滓分溫三服○陽明病發熱汗出此爲熱越不能發黃也但頭汗出身無汗劑頸而還小便不利渴引水漿者此爲瘀熱在裏身必發黃○傷寒七八日身黃如橘子色小便不利腹微滿者

右三章說具于系傳

梔子蘗皮湯

傷寒身發黃者

梔子

一十五個

甘草

一兩

黃蘗

二兩

右三味以水四升煮取一升半去滓分溫再服

梔子厚朴湯

梔子

十四枚

厚朴

四兩

枳實

四枚

已上三味以水三升半煮取一升半去滓分二服溫進一服○傷寒下後心煩腹滿臥起不安者

大陷胸湯

心下滿而鞭痛者

凡百雜病水結而鞭痛者皆可用

大黃

六兩

芒硝

一升

甘遂

一錢

右三味以水六升先煮大黃取二升去滓內芒硝煮一兩沸內甘遂末溫服一升得快利止後服○太陽病一脈浮而動數浮則爲風數則爲熱動則爲痛數則爲虛一頭痛發熱微盜汗出而反惡寒者表未解也醫反下之動數變遲一膈內拒痛胃中空虛客氣動膈短氣躁煩心中懊憹陽氣內陷心下因鞭則爲結胸大陷胸湯主之「若不結胸但頭汗出餘處無汗劑頸自還小便不利身必發黃」○傷寒六七日結胸熱實脈沈而緊心下痛按之石鞭者○傷寒十餘日熱結在裏復往來寒熱者與大柴胡湯但結胸無大熱者此爲水結在胸脇也但頭微汗

餘分再服○千金方云胃反不受食食入則吐○外臺云治嘔心下痞
輒者

小半夏湯。嘔家本渴。一渴者爲欲解。今反不渴。心下有支飲故也。○諸
嘔吐穀不得下者。諸病嘔吐甚者不論寒熱虛實先與此方嘔吐定而後隨證治之

半夏升一 生薑斤半

右二味以水七升煮取一升半分溫再服

生薑半夏湯 病人胸中似喘不喘似嘔不嘔似噦不噦微心中憤憤然
無奈。

半夏升半 生薑汁升一

右二味以水三升煮半夏取二升內生薑汁再煎取一升半少冷分四
服日三夜一服嘔止停後服

小半夏加茯苓湯 卒嘔吐心下痞胸間有水眩悸者○先渴後嘔爲水
停心下「此屬飲家」

半夏升一 生薑斤半 茯苓兩四

右三味以水七升煮取一升五合分溫再服小半夏湯以下三方水藥至少或分四服者蓋令徐徐啜之以不至嘔吐

○千金方云治逆氣心中煩悶氣滿嘔吐方中加桂心

半夏厚朴湯 婦人咽中如有炙轆

半夏一升

厚朴三兩

茯苓四兩

乾蘇葉二兩

生薑五兩

右五味以水七升煮取四升分溫四服日三夜一〇千金云胸滿心下堅咽中粘粘如有炙轆吐之不出吞之不下〇易簡云治氣結成痰涎狀如破絮或如梅核在咽喉之間咯不出嚥不下又云中脘痞滿氣不舒快或痰喘壅盛上氣喘急或痰飲中節嘔吐惡心

半夏瀉心湯 嘔而腸鳴心下痞鞭者

半夏一升

黃芩

乾薑

人參各三兩

黃連一兩

大棗十二枚

甘草三兩

右七味以水一斗煮取六升去滓再煎取三升溫服一升日三服〇傷寒五六日嘔而發熱者柴胡湯證具而以他藥下之柴胡證仍在者復與柴胡湯此雖已下之不爲逆必蒸蒸而振卻發熱汗出解若心下滿而鞭痛者此爲結胸也大陷胸湯主之但滿而不痛者此爲痞柴胡不中與之半夏瀉心湯主之說具于系傳〇千金方云老少下利水穀不消腸中雷鳴心下痞滿乾嘔不安者

甘草瀉心湯 於半夏瀉心湯方加倍甘草二兩

傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安說具于系傳○外臺云婦人霍亂嘔逆吐涎醫反下之心下痞當先治其涎沫可服小青龍湯次治其痞可與此方

生薑瀉心湯

於半夏瀉心湯方損乾薑二兩加生薑四兩

傷寒汗出解之後胃中不和心下痞鞭乾嘔食臭脇下有水氣腹中雷

鳴下利者○方意

半夏瀉心湯主治心下痞痞方之正也仲景氏活用之傷寒汗下後變證此乃奇也世有區別三瀉心湯配之氣血水而作之說者穿鑿之甚也仲景氏之於

三瀉心湯也無它但半夏瀉心湯證而乾嘔下利者加生薑心煩不得安者加倍甘草爾

吳茱萸湯 乾嘔吐涎沫頭痛者○嘔而胸滿者

吳茱萸升一

人參三兩

生薑六兩

大棗十二枚

右四味以水七升煮取二升去滓溫服七合日三服○食穀欲嘔者一

屬陽明也「吳茱萸湯主之」得湯劇者屬上焦也○少陰病吐利手

足厥冷煩躁欲死者

右二章說具于系傳

○外臺云療食訖醋咽多噎○肘后方云

治噎醋及醋心○東垣曰濁陰不下厥氣上逆咽膈不通膈塞氣不得

上下○千金云治久寒胸脇逆滿不能食方中加甘草小麥桂心半夏

又云治胸中積冷心嘈煩滿注注不下飲食心胸應背痛方中有半夏

桂心甘草

厚朴生薑甘草半夏人參湯

厚朴

斤半

生薑

斤半

人參

兩一

半夏

升半

甘草

兩二

右五味以水一斗煮取三升去滓溫服一升日三服○發汗後腹脹滿

者說具于系傳

黃連湯 傷寒胸中有熱胃中有邪氣腹中痛欲嘔吐者

黃連

甘草

乾薑

桂枝

各三兩

人參

兩二

半夏

升半

大棗

枚十二

右七味以水一斗煮取六升去滓溫服一升日三服夜三服○方意

此方

於半夏瀉心湯方去黃芩加桂枝而其方意大異黃連分量二倍於半夏瀉心湯說具于系傳

乾薑黃連黃芩人參湯

治胃虛客熱痞滿

右出玉函假以示正

乾薑

黃連

黃芩

人參

各二兩

右四味以水六升煮取二升去滓分溫再服○傷寒本自寒下醫復吐

下之寒格更逆吐下若食入口即吐○試效

心中煩悸及心下痞

大建中湯 心胸中大寒痛嘔不能飲食腹中寒上衝皮起出見有頭足

上下痛而不可觸近

蜀椒

分二

乾薑

兩二

人參

兩二

右三味以水四升煮取二升去滓內膠飴一升微火煎取一升半分溫再服

黃連阿膠湯 少陰病得之二三日以上心中煩不得臥說具于系傳

黃連四兩 黃芩一斤 芍藥二兩 阿膠三兩 雞子黃二枚

右五味以水五升先煮二物取二升去滓內膠烱盡少冷內雞子黃攪令相得服七合日三服

黃芩湯 治泄利腹痛或後重身熱久不愈脈洪疾及下利膿血稠粘按

黃芩三兩 甘草二兩 芍藥二兩 大棗十二枚

右四味以水一斗煮取三升去滓溫服一升日再夜一服○「太陽與少陽合病」自下利者與黃芩湯若嘔者黃芩加半夏生薑湯主之於本

方加半夏半斤生薑三兩○說具于系傳

白頭翁湯 下利欲飲水者以有熱故也○熱利下重者

白頭翁二兩 黃連 黃蘗 秦皮各三兩

右四味以水七升煮取二升去滓溫服一升不愈更服一升○產後下利虛極心煩不得眠白頭翁加甘草阿膠各二兩湯主之煎法以水七升煮取二升半內膠消盡分溫三服

○明醫指掌曰協熱自利身熱脈數小便赤澀

木防己湯 胸間支飲。其人喘滿。心下痞堅。面色鰐黑。其脈沈緊。得之數十日。醫吐下之不愈。木防己湯主之。虛者即愈。吐下之後。病勢脫而精氣虛者。與此方則愈。實者三日復發。復與不愈者。宜木防己去石膏加茯苓芒硝湯主之。

木防己三兩

石膏雞子大

桂枝二兩

人參四兩

右四味以水六升煮取二升分溫再服。○木防己去石膏加茯苓芒硝

湯於本方內去石膏加茯苓四兩芒硝三合以水六升煮取二升去滓內芒硝再煎分溫再服。

防己茯苓湯 皮水爲病。四肢腫。水氣在皮膚中。聶聶動者。

防己三兩

黃耆三兩

桂枝三兩

茯苓六兩

甘草二兩

右五味以水六升煮取一升分溫三服

枳朮湯 心下堅大如盤。邊如旋杯。水飲所作。

枳實七枚

朮二兩

右三味以水五升煮取三升分溫三服

桂枝枳實生薑湯 心中痞。諸逆心懸痛。

桂枝

生薑各三兩

枳實五枚

右三味以水六升煮取三升分溫三服

枳實薤白桂枝湯 胸痺。心中痞。留氣結在胸。胸滿。胸下逆搶心。

枳實四枚

厚朴四枚

薤白一斤

桂枝一斤

栝實二枚

右五味以水五升先煮枳實厚朴取二升去滓內諸藥煮數沸分溫三服

橘皮枳實生薑湯 胸痺氣塞短氣茯苓杏仁甘草湯主之枳實橘薑湯亦主之

橘皮一斤

枳實三兩

生薑一斤

右三味以水五升煮取二升分溫再服○肘后方云胸痺胸中幅幅如

滿噎塞習習如痺喉中澀唾燥沫

橘皮二斤

竹茹一斤

大棗三十枚

生薑一斤

甘草五兩

人參一斤

右六味以水一斗煮取三升溫服一升日三服○醫通云手足厥冷乾

嘔及噦而煩滿者

橘皮湯

乾嘔噦手足厥者

右二味以水七升煮取三升溫服一升

竹葉石膏湯

竹葉

二把

石膏

一斤

半夏

半升

人參

三兩

甘草

二兩

粳米

半斤

麥門冬

一升

右七味以水一斗煮取六升去滓內粳米煮米熟湯成去滓溫服一升日三服○大病差後虛羸少氣氣逆欲吐者說具于系傳○千金云發汗後表裏虛煩不可攻者○經驗云小兒傷寒久不除瘥後復劇瘦瘠骨立者又云骨蒸唇乾口燥欲得飲水者○丹溪曰伏暑內外發熱煩躁大渴又曰傷寒時氣表裏俱虛遍身發熱心胸煩悶得汗已解內無津液虛羸少氣欲吐及諸虛煩熱與寒相似但不惡寒身不疼頭不痛不可汗下者○醫通云衄血而渴欲飲水水入即吐者先服五苓散次用此方又云差後虛煩不得眠○本草綱目云石膏主治心下逆氣狂喘口乾舌焦不能息又云骨蒸勞病外寒內熱附骨而蒸也其根在五臟六腑中必因患後得之骨肉日消飲食無味或皮燥而無光蒸盛之時四肢漸細足趺腫氣云云

芎歸膠艾湯

婦人有漏下者有半產後因續下血都不絕者有妊娠下血者假令妊娠腹中痛爲胞疽

芎藭

阿膠

各二兩

甘草

二兩

艾葉

當歸

各三兩

芍藥

四兩

乾地黄

六兩

右七味以水五升清酒五合煮取三升去滓內膠令消盡溫服一升日三服○外臺云療頓仆失路胎動不安腹痛又治陷經下血孕婦胎漏不止○經驗云小產下血不止者○和劑云治勞傷血氣衝任虛損月水過多淋瀝不斷及妊娠調攝失宜胎氣不安或因損動漏血傷胎並宜服之

旋覆花代赭石湯

旋覆花

三兩

人參

二兩

生薑

五兩

半夏

半升

代赭石

一兩

大棗

十枚

甘草

三兩

右七味以水一斗煮取六升去滓再煎取三升溫服日三服○傷寒發汗若吐若下解後心下痞鞭噎氣不除者○經驗云治妊娠阻病心中煩悶虛煩吐逆惡聞食臭者

赤石脂禹餘糧湯

赤石脂

一斤

禹餘糧

一斤

已上二味以水六升煮取二升去滓三服○傷寒服湯藥下之下利不止心下痞鞭服瀉心湯已復以他藥下之利不止醫以理中與之利

益甚理中者理中焦此利在下焦

桃花湯 下利便膿血者

赤石脂斤一 乾薑兩一 粳米升一

右三味以水七升煮米令熟去滓內赤石脂末方寸七溫服七合日三服○少陰病二三日至四五日腹痛小便不利下利不止便膿血者

干系傳○方意此方及赤石脂屬餘糧湯皆主止澀裏虛而下利瀉者

酸棗仁湯 虛勞虛煩不得眠

酸棗仁升二 甘草兩一 知母兩二 茯苓兩二 芎藭兩二

右五味以水八升煮酸棗仁得六升內諸藥煮取三升分溫三服○千金云治虛勞煩擾奔氣在胸中不得眠者方中有人參桂心生薑無芎藭

黃土湯 下血先便後血此遠血也○主治吐血衄血

乾地黄 甘草 朮 附子

阿膠 黃芩各三兩 竈中黃土半斤

右七味以水八升煮取三升分溫二服

桂枝芍藥知母湯 諸肢節疼痛身體羸瘦脚腫如脫頭眩短氣溫溫欲

吐。

桂枝

知母

防風各四兩

芍藥三兩

甘草

麻黃各二兩

生薑

白朮各五兩

附子二枚

右九味以水七升煮取二升溫服七合日三服

升麻龜甲湯

陽毒之爲病面赤斑斑如錦文咽喉痛唾膿血

升麻

甘草各二兩

當歸一兩

蜀椒一兩

雄黃半兩

龜甲手大一片

右六味以水四升煮取一升頓服之○陰毒之爲病面目赤身痛如被

杖咽喉痛升麻龜甲去雄黃蜀椒主之

射乾麻黃湯

欬而上氣喉中水雞聲

射乾三兩

麻黃四兩

生薑四兩

細辛

紫苑

款冬花各三兩

五味子半斤

大棗七枚

半夏半斤

右九味以水一斗二升先煮麻黃兩沸去上沫內諸藥煮取三升分溫

三服○千金云小兒咳逆喘息如水雞聲方中無五味細辛款冬方後

云水煎去滓內蜜五合一沸溫服

厚朴麻黃湯

欬而脈浮者

厚朴五兩

麻黃四兩

石膏雞子大

杏仁半升

細辛二兩

小麥一斤 五味子半斤 半夏半斤 乾薑二兩

右九味以水一斗二升先煮小麥熟去滓內諸藥煮取三升溫服一升日三服○千金云大逆上氣胸滿喉中不利如水鷄聲其脈浮者葦莖湯治效有微熱煩滿胸中甲錯是爲肺癰

葦莖二斤 薏苡仁半斤 桃仁五十枚 瓜瓣半斤

右四味以水一斗先煮葦莖得五升去滓內諸藥煮取二升服一升再服當吐如膿

炙甘草湯 治虛勞不足汗出而悶脈結悸行動如常「不出一百日危」

千金翼

甘草四兩 桂枝 生薑各三兩 麻仁半斤 麥門冬半斤

人參 阿膠各二兩 大棗十二枚 生地黃一斤

右九味以酒七升水八升先煮人參取三升去滓內膠消盡溫服一升日三服○傷寒脈結代心動悸者十棗湯病懸飲者○欬家其脈弦緊爲有水

芫花 甘遂 大戟各等分

右三味等分各別擣爲散以水一升半先煮大棗肥者十枚取八分去

滓內藥末服一錢匕○太陽中風下利嘔逆表解者乃可攻也其人禁
熱汗出發作有時頭痛心下痞鞭滿引脇下痛乾嘔短氣汗出不惡寒
者「此表解裏未和也」說異于系傳○千金云夫有支飲家欬煩胸中痛者不

卒死至一百日一歲可與十棗湯又云欬而引胸下痛者又云懸飲者
若下後不可與也凡上氣汗出而欬者爲飲○外臺云療久病僻飲停
痰不消在膈上液液時頭眩痛苦攣眼睛身體手足十指甲盡黃又療
胸下支滿飲輒引胸下痛○三因方云水腫喘急小便不通○李時珍
云支飲令人欬唾引欬盆兩脇伏飲令人胸滿嘔吐寒熱眩暈痰飲令
人腹鳴吐水胸脇支滿或作泄瀉忽肥忽瘦盜飲令人沈重注痛或作
水氣跗腫芫花大戟甘遂之性逐水洩濕能直達水飲窠囊隱僻之處
但可徐徐用之取效甚捷○丹溪曰兼下水腫腹脹并酒食積腸垢積
滯法癖堅積蓄熱暴痛瘧氣久不已或表之正氣與邪熱並甚於裏極
熱似陰反寒戰表氣入裏陽極深脈微而絕并風熱躁甚結於下焦大
小便不通實熱腰痛又曰小兒熱結乳癖積熱作發驚風潮搐云云
走馬湯 中惡心。痛。腹。脹。大。便。不。通。

巴豆二枚 杏仁二枚

右二味以綿纏搥令研熟湯二合捻取白汁飲之當下老少量之通治飛尸鬼擊病○外臺云卒得諸疝少腹及陰中相引絞痛自汗出欲死此名寒疝亦名陰疝走馬湯主之

附方

茯苓飲_{外臺} 治心胸中有停痰宿水自吐出水後心胸間虛氣滿不能食消痰氣令能食

茯苓_{三兩} 人參_{三兩} 蒼朮_{三兩} 枳實_{二兩} 橘皮_{二兩} 生薑_{四兩}

右六味以水六升煮取一升八合分溫三服

延年茯苓飲_{千金作茯苓散} 療心虛不得眠多不食

茯苓_{一錢二分} 人參_{五分} 甘草_{二分} 生薑_{五分} 橘皮_{六分} 酸棗仁_{八分}

右六味水煎溫服

溫膽湯_{千金} 治大病後虛煩不得眠此寒膽也○心膽怯弱怔忡易驚者

半夏 竹茹 枳實_{各二錢} 生薑_{四錢} 陳皮_{三錢} 甘草_{一錢}

右水煎溫服○丹溪曰病後血氣未復精神未全多於夢寐中不覺失聲如覺此不係譫語鄭聲宜溫膽湯○易簡云心膽虛怯觸事易驚膽攝氣鬱生涎涎與氣變諸證或短氣悸乏或復自汗或四肢浮腫飲食

無味心虛煩悶坐臥不安者悉主之又大治傷寒後虛煩及一切病後
虛煩夜睡不安者并宜用之

六物黃芩湯

外

乾嘔下利

心下痞硬不
能飲食者

黃芩

人參

各三

乾薑

三

桂枝

一

大棗

十二

半夏

半

右六味以水七升煮取三升分溫三服

黃連解毒湯

外

崔氏曰前將軍督護劉車者得時疫三日已汗解因飲
酒劇苦煩悶乾嘔口燥呻吟錯語不得臥余思作此方

黃連

八

黃芩

五

黃柏

三

山梔子

四

右四味水煎溫服○仲文仲云療天行若已五六日不解頭痛壯熱四
肢煩疼不得飲食方中有大黃無黃芩名大黃湯○集驗云治小便淋
瀝出血疼痛難忍○明醫指掌云治三焦實火內外皆熱煩渴瘦赤口
舌生瘡便秘脈數者○醫通云治濕熱邪毒內盛而利不止者○宣明
方云治傷寒雜病熱毒煩躁乾嘔口渴喘滿陽厥極深蓄熱內甚世俗
妄傳爲陰毒者及汗吐下後寒涼諸藥不能退其熱勢者或加柴胡連
翹○外科正宗云療疔毒入心內熱口乾煩悶恍惚脈實者加惡實連
翹甘草

五蒸湯外

蓋

療虛勞骨蒸五心煩熱手足煩疼口乾唇燥者

茯苓三兩

人參二兩

竹葉二兩

石膏半斤

粳米四合

知母一兩

黃芩一兩

甘草二兩

地黃三兩

右九味以水八升煮米熟湯成去滓分三服

溫脾湯外

蓋

脾胃中冷結實頭痛壯熱但苦下利或冷滯赤白如魚腦又

云治下久赤白連年不止及霍亂脾胃冷實不消

大黃四兩

人參

甘草

乾薑各一兩

附子一枚

右五味以水七升煮取三升分溫三服○玉函云下利至隔年日月不

期而發者此爲有積宜下之止用溫脾湯尤佳如難取者可佐乾薑圓

書曰即
備急圓

○本事方云治冷痛在腸胃間連年腹痛泄瀉休作無時服諸熱

藥不效宜先取去而調易差不可恐虛以養病也○方意

人參附子乾薑甘
草鼓舞運動冷結

積滯之毒大黃泄之
蓋溫字宜作運字看

檳榔湯外

蓋

治腳氣心頭冷鞭結通下氣

檳榔六兩

木香二兩

橘皮二兩

枳實

甘草

生薑各二兩

大黃三兩

右七味以水六升煮取三升日三夜一服

唐侍中檳榔湯外臺

療腫滿小便少者又曰療苦腳氣攻心此方散腫氣

極驗

檳榔一錢二分

生薑六分

橘皮五分

吳茱萸四分

木瓜四分

紫蘇三分

右六味水煎溫服○衛生良劑方云療風濕毒氣中於足經遂爲腳氣下注兩腳腫脹疼痛履地不得及內攻心腹手足脈絕悶亂煩躁不得息極有神效性全萬安方

烏頭檳榔湯外臺

治腳氣遍身洪腫者

烏頭六兩

桑白皮一錢

檳榔一錢

商陸三錢

大黃六分

生薑七分

右六味以水三合先煮烏頭減一合去滓內諸藥煮取一合去滓服○方意此方運動水毒以慎之尿道烏頭再煎者蓋取緩其剛悍之性以親着病毒也

黑豆湯外臺

治腳氣衝心周身洪腫者

黑豆八錢

桑白皮一錢半

郁李仁一錢

檳榔一錢半

右四味以水四合先煮黑豆減二合去滓內諸藥煮取一合○發明世醫以桃花替實之類下水毒雖其應如響徒瀉浮水爾故不日復聚特郁李仁能破腸中結氣取盡水毒拔病根神驗無類

犀角吳茱萸湯外臺

治腳氣冷毒心下堅背縛痛上氣欲死效能破毒氣

吳茱萸六分

檳榔二分

木香三分

犀角五分

半夏六分

生薑七分

右六味水煎服

續命湯

古今錄驗

治中風痺身不能自收口不能言冒昧不知痛處或拘急

不得轉側又治但伏不得臥欬逆上氣面目浮腫

麻黃

桂枝

當歸

人參

甘草

芍藥

石膏

各一兩

乾薑

三兩

杏仁

三十枚

右九味以水一斗煮取四升溫服一升○外臺云深師大續命湯療毒

風賊風身體不能自收咽中卒不得語若拘急腰痛目眩反張恍惚恐

惶上氣嘔逆面腫方中有黃芩無人參又云主治手足攣急及不隨又

療中風四肢壯熱如火攣急或縱不隨氣衝胸中方中有黃芩芍藥防

風名大續命湯○千金方增損續命湯條云治小兒卒中風惡毒及久

風四肢角弓反張不隨并痺洩瀉不能行步又西州續命湯條云治肉

極虛熱肌膚淫淫如鼠走身上津液開泄或痺不仁四肢急痛

小續命湯

千金

治卒中風身體緩急口目不正舌強不語神情奄忽悶亂

又治腳弱又有疹家天陰節變服之防暗風

麻黃

防己

人參

黃芩

桂枝

芍藥

甘草

芍藥

杏仁

各二兩

防風

一兩

附子

一枚

生薑

五兩

右十二味以水一斗煮取四升溫服一升

三物黃芩湯金干

婦人在草褥自發露得風四肢苦煩熱頭痛者與小柴

胡湯頭不痛但煩者

黃芩雨一

苦參雨二

乾地黄雨四

右三味以水六升煮取二升溫服一升

三黃湯金干

治中風手足拘急百節疼痛煩熱心亂惡寒經日不欲飲食

麻黃錢五

獨活錢四

細辛錢二

黃耆錢二

黃芩錢三

右五味以水六升煮取二升分溫三服

木槲湯金干

治脚氣入腹因悶欲死腹脹○治脚氣上衝心悶亂不知人

事手足脈絕又毒氣攻心手足脈絕此難濟不得止作此湯十愈七八

吳茱萸錢一

木瓜錢二分

右二味以水二合煮取八分

一方加青木香犀角

三和散和劑

背胸痛妨食及脚氣上攻胸腹滿悶不大便者

羌活

紫蘇

沈香錢各一

木瓜

芎藭

大腹皮

白朮

橘皮

木香

檳榔各八分

甘草錢二分

生薑錢一

右十二味水煎服○直指云治水蟲氣脹腹腫面浮○局方云治

三焦不和心腹痞悶大便秘難及腳氣上攻腹脹○試效
諸症胸腹刺痛者
去白朮川芎羌活
加大黃其
驗如神

涼膈散

局方

治大人小兒臟腑積熱煩躁多渴面熱頭昏唇焦咽燥口舌

腫閉目赤鼻衄頰頰結硬口舌生瘡痰實不利涕唾稠粘睡臥不寧譫

語狂妄腸胃燥澀便溺秘結一切風壅并宜服之

大黃

錢一

連翹

梔子

各三分

薄荷

黃芩

各四分

甘草

二分

芒硝

六分或
八分

右七味以水二合煮取一合去滓內芒硝上微火一二沸空心頓服○

正宗云濕熱上攻致牙根腮項作腫多痛○試效

風蟲牙痛常出血至頰口裏
者又走馬疳齒齲腐蝕或出血

牙齒欲
落者

升麻散

蜜

治傷寒一日便成陽毒或服藥發汗吐下之後毒氣不解身

重背強煩躁狂言或走或見鬼神面赤斑斑狀如錦文咽喉痛及下膿

血

升麻

錢一

當歸

五分

黃芩

四分

犀角

三分或
五分

射乾

四分

黃連

三分

甘草

二分

地骨皮

三分

右八味以水二合煮取一合頓服○試效

熱病中後吐血衄血下血
及咽喉腫痛者照服之

犀角地黄湯千金

治傷寒溫病應發汗而不得汗內蓄瘀血及鼻衄吐血

不盡內餘瘀血大便血面黃或中脘作痛

犀角五分

地黃半錢

芍藥八分

牡丹皮

六分或加當歸川芎

右四味以水二合煮取八勺

逍遙散局方

治血虛勞健五心煩熱肢體疼痛頭目昏重心怯煩赤口乾

咽燥發熱盜汗寒熱如瘧又療室女血弱榮衛不和痰嗽潮熱肌體羸

瘦漸成骨蒸

茯苓錢一

白朮六分

當歸六分

芍藥八分

柴胡錢一

甘草二分

右六味以水二合煎取一合頓服○正宗云治減食嗜臥及血熱相搏
月水不調臍腹脹滿加牡丹皮山梔子名加味逍遙散○婦人良方云
治肝脾血虛有熱遍身搔扒或口乾咽燥發熱盜汗食少嗜臥小便澀
滯等證又治瘰癧流注虛熱等證

薤白湯備門

治諸風癰疥癩病

薤白八分

荊芥四分

麻黃六分

川芎四分

甘草

二分或加防風大黃

右五味以水二合煮取一合頓服○經驗云治小兒病風瘙癢痛如疥
搔之汁出偏身痞癰如麻豆者

透膿湯

正宗

治癰疽諸毒膿已成不穿破者

黃耆

錢一

穿山甲

分五

當歸

分七

皂角刺

分八

川芎

分五

右五味以水二合煮取一合頓服

搜風解毒湯

本草綱目

治楊梅瘡不犯輕粉病深者月餘淺者半月即愈服輕

粉藥筋骨痛癱瘓不能動履服之亦效

土茯苓

錢四

薏苡仁

金銀花

防風

木瓜

木通

白蘚皮

各五分

皂莢子

分四

右八味以水三合煮取一合半○外科纂要云治男婦一切下疳疔疳

蝕疳內疳外疳爛疳無有不效下疳日久不瘥必生楊梅瘡此方預服

可使不起已發可使速愈雖是結毒并歷神效

赤小豆湯

東華山羅氏製方見于漢遊雜記

主治諸毒內攻腫滿者

赤小豆

錢五

商陸

錢二

大黃

分六

麻黃

分八

連翹

分四

木通

分六

猪苓

分六

反鼻

分三

雞舌

分二

右九味以水三合先煮赤小豆減一合去滓內諸藥煮取一合○方意

赤小豆清滲水通皆利水之藥生之以麻黃雞舌反鼻者強通竅之力也其以大黃者厚通利之勢也此方之所發動運轉陷結之毒以奏神効也不知者乃曰此方且發且利且瀉一舉三得之良劑者妄也蓋此證毒內攻而結水氣水氣浸毒淫水氣於是乎毒與水混合皆毒豈有以此一方除之於三途之理哉

琥珀湯同上

治產后水腫或諸毒內攻生腫

琥珀一錢半

雞舌二分

反鼻三分

大黃六分

猪苓六分

木通六分

商陸二錢

右七味以水二盞煮取一盞

赤小豆煎

胸氣疝脹產後腫滿水腫脹滿不論虛實喫之皆有驗實濟

世奇劑

芫花

大戟各八分

桑白皮一錢

葶藶子一錢二分

商陸二十錢

生薑五錢

赤小豆一合

右七味以水八合先煮六物取四合三勺去滓內赤小豆更煮合熟一日一夜喫盡○禁忌千金方云喪孝產乳音樂喧戲并一切魚肉生冷醋滑蒜粘食米豆油并須戒忌三年慎之永不復發不爾者雖愈必復發不可更治也○余友橘春菴阿波勝瑞村人善醫特善治腫滿起死回生歲以百數余所親耳目也乃懇請受其奇方乃赤小豆煎也後周遊四方過尾州名古屋時一男子患腫滿命懸旦夕諸醫袖手余欲與往昔所受于橘氏之方以救之失其方書蓋爲人所奪也深以爲憾苦思終日遂作此方與之十有餘日病脫然復故爾後活幾十人皆用此方凡病水

腫者喫之如法則無不有神效者若不可起者則必不能喫之也文化
某年余歸舊里偶會春菴言及此話實以此方則與其所傳大同小異
後數旬書報曰以兄方試諸數十人十舉十全比之舊方效最速矣
抵當丸 婦人經水不利。

水蛭

二十個

蟪蟲

二十個

桃仁

二十個

大黃

三兩

右四味杵分爲四丸○傷寒有熱少腹滿應小便不利今反利者爲有
血也當下之不可餘藥毒曰抵當湯證而緩者主之本有煎法今不取

大陷胸丸

結胸者項亦強如柔瘕狀下之則和

說具于系傳

大黃

斤半

葶藶

斤半

芒硝

斤半

杏仁

斤半

右四味搗篩二味內杏仁芒硝合研如脂和散取如彈丸一枚別搗甘
遂末一錢七煉蜜丸

麻子仁丸

大便堅其脾爲約

麻子仁

二升

芍藥

斤半

枳實

斤一

大黃

斤一

厚朴

尺一

杏仁

斤一

右六味末之煉蜜和丸梧子大飲服十丸日三○試效腸胃枯燥大便不調者

八味丸 腳氣上入少腹不仁○虛勞腰痛少腹拘急小便不利者○夫
短氣有微飲當從小便去之苓桂朮甘湯主之腎氣丸亦主之○男子

消渴小便不利以飲一斗小便一斗○婦人病飲食如故煩熱不得臥而反倚息者何也曰此名轉胞不得溺也以胞系了戾故致此病但利小便則愈

乾地黄八兩

山茱萸

薯蕷各四兩

澤瀉

茯苓各三兩

牡丹皮三兩

桂枝

附子各一兩

右八味末之煉蜜和丸梧子大酒下十五丸日再服○千金方云治虛不足大渴欲飲水腰痛小腹拘急小便不利又云腎氣不足羸瘦日劇吸吸少氣體重耳聾目暗百病方中有半夏無附子山茱萸

栝蒌瞿麥丸 小便不利者有水氣其人苦渴

栝蒌根二兩

茯苓

薯蕷各三兩

附子一枚

瞿麥一兩

右五味末之煉蜜丸梧子大飲服三丸日三服
赤丸 寒氣厥逆

茯苓四兩

半夏四兩一方用桂

烏頭二兩

細辛一兩

右四味末之內真朱爲色煉蜜丸如麻子大先食酒飲下三丸日再夜一服心滿微瀉或吐水飲或寒疝胸腹滿者皆主之

乾薑人參半夏丸 妊娠嘔吐不止惡阻不入水藥者

乾薑

人參各一兩

半夏二兩

右三味末之以生薑汁糊爲丸如梧子大飲服十九日三服

桂枝茯苓丸

婦人宿有癥病經斷未及三月而得漏下不止胎動在臍

上者爲癥瘕害妊娠六月動者前三月經水利時胎下血者後斷三月不血也所以血不止者其癥不去故也當下其癥

桂枝

牡丹皮

茯苓

桃仁

芍藥各等分

右五味末之煉蜜和丸如兔屎大每日食前服一丸不知加至三丸○

大全良方云專療婦人小產下血至多子死腹中其人憎寒手指唇爪

甲青白面色黃黑或胎上搶心則悶絕欲死冷汗自汗喘滿不食或食

毒物胎尚未投服之可安已死服之可下○萬病回春云候產母腹痛

腰痛見漿水下服方○經驗云小產瘀血心腹疼痛而發熱惡寒者以

上三條皆爲湯液用焉按日子死腹中日胎上衝心曰腹瀉腹痛曰當下其癥皆當加大黃

大黃廔蟲丸

五勞虛極羸瘦腹滿不能飲食食傷憂傷飲傷房室傷饑

傷勞傷經絡榮衛氣傷內有乾血肌膚甲錯面目黯黑緩中補虛

大黃十分

黃芩二兩

甘草三兩

桃仁一升

杏仁一升

乾地黄十兩

芍藥四兩

乾漆一兩

蠱蟲一升

水蛭百枚

蟅蟲一升

廔蟲半升

右十二味末之煉蜜丸小豆大酒服五丸日三服○

舊日藥品多味恐非古意不如以桃仁大黃乾薑水

經最爲要最美味末之蜜丸酒服取効之速也又曰所謂緩中補虛者去乾血則腹中緩舒氣血精液漸復也

己椒藶黃丸 腹滿口舌乾燥此腸間有水氣

防己

椒目

葶藶

大黃

各一兩

右四味末之蜜丸如梧子大先食飲服一丸日三服稍增口中有津液渴者加芒硝半兩

備急圓 主心腹諸卒暴百病若中惡客忤心腹滿卒如錐刺氣急口禁停死卒死者

大黃

一兩 乾薑

一兩 巴豆

右藥各須精新先搗大黃乾薑爲末研巴豆內中合治一千杵用爲散蜜和丸亦佳密器中貯之莫令歇氣○用法以煖水若酒服大豆許三四丸或不下捧頭起灌令下咽須臾當差如未差更與三丸當腹中鳴卽吐下便差若口禁亦須折齒灌之○外臺云乾霍亂大小便不通煩寃欲死又云乾霍亂腹脹滿攪刺疼痛煩悶不可忍手足逆冷甚者施汗如水大小便不通求吐不出求下不下須臾不救便有性命之慮急與云云○錄驗云療人卒上氣呼吸氣不得下喘逆差後已爲常用○

肘后云治大熱行極及食熱餅竟飲冷水過多衝咽不即消仍以發氣腸內一切卒暴百病○醫通云下利差後至其年月復發者○得效方云妊婦熱而大便秘脈實死胎不知人溫水下七圓即活○宋王碩曰巴豆治垂死之病藥至病差其效如神真衛生代病之妙劑參朮雖號爲善良卻能爲害每見尊貴之人服藥只參朮平穩而於有暝眩之功者不敢輒服醫雖知其當用亦深慮其相信之不篤稍有變證恐歸咎於己姑以參朮等藥迎合其意倘有不虞亦得以藉口而不知養病喪身莫不由此○方意

治疫癘奔豚脚氣攻刺入腹者

心痛大便秘或手足厥冷六脈沈伏者及赤白痢疾瀉瀉痞痛多由腸胃間積滯之所致先以此圓下之又主惡心嘔吐不納食物而大便閉者又

礬石丸 婦人經水閉不利藏堅餅不止中有乾血下白物

礬石 分三
杏仁 分一

右二味末之煉蜜和丸棗核大內藏中劇者再內之

歸母苦參丸 妊娠小便難飲食如故

當歸 貝母 苦參 各四兩

右二味末之煉蜜和丸如小豆大飲服三丸加至十丸

紫圓金 治小兒身熱頭痛飲食不消小兒無異疾唯飲食過度不知止

哺乳失節或驚悸寒熱又云紫圓無所不療雖下不虛人又云小兒變蒸發熱不解并挾傷寒濕熱汗後熱不歇及腹中有痰癖哺乳不進乳則吐乳食癰先寒後熱又云食癰當下乃愈

巴豆三錢

代赭石

赤石脂各二錢半

杏仁四錢半

右先搗代赭石赤石脂爲末研巴豆杏仁內中合治糊丸○千金方芒硝紫圓條云治小兒宿食癖氣痰飲往來寒熱不欲食消瘦者又雙紫圓條云夜啼不眠是腹內不調又順流紫圓條云治心腹積聚兩脇脹滿留飲痰癖大小便不利切痛又牛黃紫圓條云治小兒結實乳食不消心腹痛又治小兒宿乳不消腹痛驚啼以上四章皆用此丸藥佳○嬰兒指要云凡有臍風撮口胎風撮口鎖肚撮口瀉腸撮口卵疝撮口皆出結鬱于腸胃閉不得通腹中滿脹肚上青筋撮口不乳最爲惡候一臘內見之尤急用紫圓子利之纔通疾去兒和○經驗云療纏喉風及喉脾卒然倒仆失音不語或牙關緊急不省人事

硝石大圓千金

治十二癥瘕及婦人帶下絕產無嗣

硝石七錢

大黃九錢

人參三錢

當歸三錢

甘草二錢

右五味爲末和煉蜜糊丸○試效

腹中有壅塊者勿論男子婦人皆用之

平水丸

千金

治水腫通身洪腫或胸氣脚弱悸動升逆者

吳茱萸

芫花

芒硝

各三錢

商陸

四錢

甘遂

二錢

右五味爲細末糊丸

滾痰丸

本草附方

治痰爲百病唯水瀉胎前產後不可服又云溫水吞下卽臥

勿動候藥逐痰滯次日先下糟粕次下痰涎

大黃

黃芩

各五錢

硝石

二錢

青礞石

二錢煨金色爲度

沉香

五錢

右五味爲末糊丸每服自三五分至一錢○養生主論云治濕熱痰積

變生百病○試效

諸喘嗽上氣胸心癢梅核氣痰核及諸肩背腫痛者皆主之

○辨誤

近世醫家有去沉香加甘遂者是錢意欲奪病之勢也按此方降痰

氣化粘液取之難遣去若加甘遂則藥性走而急反難降氣化痰之能不可不察焉

控涎丹

三因方

治痰留在胸膈上下變爲諸病或頸項胸背腰脇手足膝蹠

隱痛不可忍節骨攣引釣痛走易及皮膚麻痺似乎癱瘓又治頭痛不

可舉或睡中流涎或教睡喘息或痰迷心竅并宜此藥數服痰涎自失

諸疾尋愈

甘遂

大戟

白芥子

各等分

右三味爲末和煉蜜爲丹○得效方云凡人忽患胸背手足腰膝隱痛

不可忍乃是痰涎伏在心膈上宜此藥○經驗云暴喘俗傳馬脾風大

小便難宜急下之又云小兒心下痞痰癖結聚腹大脹滿身體壯熱不欲哺乳者○醫通云及乎五旬內外氣血向衰漸至食少體倦或肢體煩悶嘔逆甚至上下不通者須乘初起元氣未衰急投控涎丹十餘粒不下少頃再服當此危急之時不下必死下之庶幾可生○李時珍曰痰涎之爲病隨氣升降無處不到入于心則逆竅而成癲癇妄言妄見入于肺則塞竅而成欬唾稠粘喘急背冷入于肝則留伏蓄聚而成胸痛乾嘔寒熱往來入于經絡則麻痺疼痛入于骨節則頸項胸背腰脇手足攣引隱痛陳無擇三因方并以控涎丹主之殊有奇效

左經丸

熱沈良方

治筋骨諸疾手足不隨不能行步運動

木鼈子

草烏頭

白膠香

五靈子

各三兩

當歸

兩

斑蝥

一百個去翅足

右爲細末用黑豆去皮生杵粉一斤醋煮糊爲圓如雞實大每服一丸酒磨下筋骨疾但不曾針灸傷經絡者四五丸必效云云又曰此藥能通榮衛導經絡又曰服後小便少淋瀝乃其驗也

十寶丸

丹溪心法

治水氣四肢浮腫上氣喘急大小便不利

甘遂

大戟

芫花

各等分

右爲末煮棗肉爲丸桐子大清心熱湯下二十丸

五苓散 霍亂頭痛發熱身疼痛熱多欲飲水者○男子消渴小便反多
以飲一斗小便一斗腎氣丸主之脈浮小便不利微熱消渴者五苓散
主之○假令瘦人臍下有悸吐涎沫而顛眩○渴欲飲水水入則吐者
名曰水逆五苓散主之

猪苓十八銖

澤瀉一百六銖半

茯苓十八銖

桂枝半兩

白朮十八銖

右五味爲末以白飲和服方寸匕日三服○太陽病發汗後大汗出胃
中乾煩躁不得眠欲得飲水者少少與飲之令胃氣和則愈若脈浮小
便不利微熱消渴者○發汗已脈浮數微熱消渴者○本以下之故心
下痞與瀉心湯痞不解其人渴而口燥煩小便不利者

茵陳五苓散

黃疸病當有小便不利渴證

茵陳蒿末十分

五苓散五分

右二物和先食飲服方寸匕日三服

猪苓散 嘔吐而病在膈上後思水者解急與之後思水者

猪苓

茯苓

白朮各等分

三三物和先食飲服方寸匕日三服

牡蠣澤瀉散

牡蠣

澤瀉

栝蒌根

蜀漆

葶藶

海藻

商陸根

各等分

右七味異擣下篩爲散入臼中治之白飲服方寸匕○大病差後從腰

以下有水氣者

說具于系傳

葵子茯苓散

妊娠有水氣身重小便不利洒所惡寒起卽頭眩

葵子

茯苓

各三兩

右二味杵爲散飲服方寸匕日三服

土瓜根散

帶下經水不利少腹滿經一月再見者○陰痿腫

毒曰婦人陰門痿腫是瘀血也

致

土瓜根

芍藥

桂枝

蟬蟲

各三兩

右四味杵爲散酒服方寸匕日三服

瓜蒂散

病如桂枝證頭不痛項不強「寸」脈微浮胸中痞鞭氣上衝咽

喉不得息者此爲胸有寒也當吐之○病人手足厥冷脈乍緊者邪結

在胸中當須吐之○宿食在上脘者當吐之

瓜蒂

一分

赤小豆

一分

右二味各別搗篩爲散已合治之取一錢匕以香豉一合用熱湯七合煮作稀糜去滓取汁和散溫頓服之不吐者少少加得快吐乃止○外臺云療急黃心下堅頓渴欲得水喫氣息喘粗但有一候相當卽須服之吐則差○辨正錄云人有食河豚舌麻心悶腹脹氣難舒口關聲不出療法宜吐其肉○證治大還云痰厥者因氣逆痰壅故忽然昏迷卒倒咽中涎潮如拽鋸聲宜先以瓜蒂散吐之○儒門事親云凡婦人頭風眩暈登車乘船眼眩手足麻髮脫健忘皆胸中宿痰所致又云一切沈積或有水不能食使頭目昏眩不能清利涕唾欬嗽喘滿時發潮熱○金匱鈞玄云痰在經絡中者非吐不可出吐方中就有發散之義也又云氣實痰熱結在上者則吐又云膠固者必用吐之又云哮喘必用薄滋味專主於痰宜大吐云云亦有虛而不可吐者又云喉中有物咯不出嚥不下此是老痰重者吐之又云痰壅盛者口眼喎斜者不能言者皆當吐○明醫指掌云吐痰之聖藥治在膈上○丹溪心法云小兒急慢驚風發熱口禁手心伏熱痰熱欬嗽痰喘此證類并用湧法吐之重劑瓜蒂散輕劑用苦參赤小豆末云云又云驚有二證一者痰熱主急驚當吐瀉之一者脾虛乃爲慢驚所以多死云云又云用吐方必緊

勒於無風之處行之○丹溪心法附錄獨聖散條云治中風痰迷心竅

顛狂煩亂人事昏沈又治五癰心風

蕙苡附子敗漿散 腸癰之爲病其身甲錯腹皮急按之濡如腫狀腹無

積聚身無熱脈數此爲腸內有癰膿

蕙苡仁十分

附子二枚

敗漿五分

右三味杵爲末飲服方寸匕

本有煎法今不取

天雄散

失精

下部冷結衝逆而失精者

天雄三兩

朮八兩

桂枝六兩

龍骨三兩

右二味杵爲末服方寸匕日三服并主癰膿以麥汁下之

排膿散

諸毒腫有膿者宜服之以排膿

枳實十六枚

芍藥六分

桔梗二分

右三味杵爲散取鷄子黃一枚以藥散與鷄子黃相等揉和令得飲和

服之日三服

當歸芍藥散

婦人妊娠腹中疝痛

當歸三兩

芍藥一斤

茯苓四兩

蒼朮四兩

澤瀉四兩

芎藭半斤一作三兩

右六味杵爲散取方寸匕酒和三服○經驗云妊娠身體浮腫四肢脹

急小便不利者又妊娠胎間有水氣而身微腫者

蜀漆散 瘧寒多者名曰牡瘧

蜀漆

雲母

龍骨

各等分

右三味搗爲散未發前以漿水服半錢

桔梗白散

欬而胸滿振寒脈數咽乾不渴時出濁唾醒臭久久吐膿如

米粥者爲肺癰○寒實結胸無熱證者與三物小陷胸湯白散亦可服

桔梗

貝母

各三分

巴豆

一分

右三味爲散強人服半錢七羸者減之病在膈上者吐膿血在膈下者瀉出若下多不止飲冷粥一盃則止

四逆散

少陰病四逆其人或欬或悸或小便利或腹中痛或泄利下

重者

柴胡

芍藥

枳實

甘草

右四味各十分搗篩白飲服方寸匕日三○

按此大柴胡湯方內去半夏黃芩大棗則大柴胡湯證中無結實嘔吐證者宜

用之說具于系傳

○明醫指掌云寒邪變熱傳裏腹痛便秘而厥者

消鬱散

黃家曰晡所發熱而惡寒此爲女勞得之○膀胱急少腹滿身

黃額上黑足下熱因作黑疸其腹脹如水狀大便必黑時澹一此女勞

之病非水也」

滑石

礬石

各等分

右二味爲末以大麥粥汁和服方寸七日三服病隨大小便去小便正黃大便黑是其候也

蛇床子散 溫陰中坐藥

蛇床子

右一味末以白粉少許和令相得如大棗綿囊內之自然溫

刻奇正方小引

公山賀古先生志存濟恤業執醫療療藥驗諸今而方書稽諸古潛研之
久不覺成書數編矣已而自歎曰著述收名以售其術世固有之吾豈尤
而效之乎乃悉焚其編稿矣而易竊騰寫奇正方及傷寒論系傳二書於
未焚之前巾箱珍襲先生曾不之知也有一老翁與先生相親善翁謂先
生曰人生此世飽食暖衣無報天恤物之心者所謂馬牛而襟裾意者草
木之微尙著華結實以供人人而徒同其腐朽可乎我齒既垂入旬室廬
足以安一族餽廩足以給數口而耳不聞道義蠹蠕逸居實愧草木之不
如也我聞先生有著述數編請給費以梓之亦報天濟世之一端吾儻以
免馬牛襟裾之譏先生搔首曰嘗有之而今則無矣翁爲之俛然易仄聞
此言也乃奉嚮所騰寫奇正方於先生曰有有不終無也先生莞爾而笑
曰著述之傳否亦有數乎翁亦聞而喜之速授工以公于世云於戲先生
之無求於名也固矣而翁之忠告實有不可默默者蓋天之未喪斯文也
竊寫幸免火勸刻又有人子夏子有言雖曰未學吾必謂之學矣翁之數
篤斯其人歟翁陰德不欲稱其名姓此併先生皆無求於名之舉也

奇正方跋

紙爲者兒戲也當其木德頽令風塵四起也童子十數人爭放之於彼東郊也夫風勁而狂也與線而制其顛衰而慢也奪線以提其墜扶搖戾天而後已以供竟日之觀昏至乃還蓋日日然也一日忽遭檢官巡部道出於此狼狽失措托線草木而去既而反至焉乃皆落矣於是始見醫理之寓於微物也夫紙爲之戾天也者人之有平常也風勁而顛衰而墜也者六淫之爲大疾也因而施與奪之權也者醫之應機變也以供竟日之觀日昏乃還也者人之盡天年也而昨之如彼而今之如此者豈非失與奪之權乎論至於此固信醫之有補於生而不可以一日闕也然徒握其權一錯其施則誤人之百年也必矣其實將誰歸此賀古君之所以爲奇正方也賀古氏者州人也家世祿食於藩至乃祖了齋君坐事罷官乃考柳阿君白屋僻處嗜學好方途使君從事於此君少好游適京如尾中或在於阿今又徙居於阪其勉學不倦蓋四十年一日矣君多著書此特其小耳而首公之世者將使知與奪之權之所在也途使余亦贅紙爲說于時文政庚寅冬至後一日

阿波江藝君樹撰